



文苑
蒲藪

別編一

進香文
祭文
表
箋
奏文

廿二子三

~ 20
2457
21



和
2332
21

門 20
號 2457
卷 21



文苑黼黻別編卷之一目錄



進香文

嘉靖皇帝進香文

隆慶皇帝進香文

萬曆皇帝進香文

萬曆皇后進香文

祭文

大報壇親祭文 三

大報壇親祭例用祭文

預備

文苑黼黻別編卷之一目錄



附 樂章

表

免貢海東青謝恩表

進白雉回還使臣賜表裏及付送彼虜人謝恩表

請謚表

承襲謝恩表

追封降勅謝恩表

內殿誥命謝恩表

進貢使臣特賜宴禮部謝恩表

辨正宗系降勅謝恩表

發還漂流人物謝恩表

勅諭問起居賜表裏綵段絨錦謝恩表

賜陪臣一宴兼刷還人口謝恩表

欽賜律管謝恩表

三郝恢復謝恩表

謝恩表

再發援兵謝恩表

降勅雪冤謝恩表

皇太子冊封頒詔謝恩表

賜祭謚賻謝恩表

欽賜廢世子徑冕服謝恩表

降勅倭情辨誣謝恩表

賜銀謝恩表

降勅辨誣謝恩表

泰昌頒詔謝恩表

發太僕銀質給燭焟謝恩表

冊封謝恩表

誥冕補賜謝恩表

皇太子誕生頒詔天使回程謝恩表

皇孫誕生頒詔謝恩表

天啓皇帝崩陳慰表

皇太子薨陳慰表

賊薄皇城陳慰表

聖節表 二

冬至表 二

方物表 二

箋

賜錄段謝恩箋

千秋箋

冬至箋

於皇聖后寅紹丕緒德配高厚化浹烝庶四方作孚
百辟其刑聲教遠暨玉帛盈庭顧茲小邦世被寵靈
矧臣藐末受命初元庶恪侯度永沐皇恩何知一朝
八音遽遏天崩地坼疾心若割逆靡外藩禮阻奔哭
祇薦菲薄少展心曲

盧禕製

萬曆皇帝進香文

赫赫聖德覆冒萬方敬忌天威率由舊章思弘前烈
罔或怠荒心存堂構志銳修攘威靈震疊兇醜動勦
大勳垂集末命遠揚率土同悲在臣則尤叨承眷命
恪守荒陬職缺屏翰計失綢繆止拱廷誠東顧猶憂

庶收桑榆以答龍光何天不惠降此大殃撫膺長呼
五內如焚限以外藩末由趨奔攝薦芟芴如在如臨

尚其降格歆此菲忱

大提學鄭經世製

萬曆皇后進香文

轅星降精沙麓鍾英篤生淵澍光配聖明以女中堯
為天下母德承乾剛道協坤厚化覃樛木詠播河洲
姜嫄維嚳太姒于周四教罔虧六宮攸軌克享純禧
將近五紀臣民不祿蒼昊降割孽土結縲窮海遏密
東藩雖逖受恩最篤感戴陰功實均內服奉服驚墮
孺慕采新封疆有闕奔問無因馳誠賤价菲薄明衷

攀號莫逮穹壤長終

明漢製

李

祭文

大報壇親祭文

明承天命誕撫四夷惟帝御宇我昭敬時丕冒之化
覆燾同大視要如綏揆教奮衛時有卉服于我儆道
抗義以斥兇鋒先割燬我七室劉我八路越在一隅
父母是愬帝乃耆武命將來援十萬其師億秣其餼
皇威所振若霆之擊妖祲旋割奄復壇場廷議初貳
惟帝是斷讒說繼騰亦惟帝辨既存我亡又憐我誠
始終有濟由我帝明凡此再造伊誰之力肆我侯度

益致其恪誓期子孫永效朝宗云胡大曆三百而終
鐘簾旣移冠履遂倒中間變故蓋不忍道自傷力弱
恩豈敢忘尚希夏靡而志未成爾來三世一念匪懈
嗟臣不肖寢遠聖代願我屬國至今猶活而其大德
未報萬一睠言西悲述職何所荒涼寢園蓬芥誰舉
曷以薦享我心斯展爰築靈壇義取郊典遵簋之式
奠獻之禮倣乎皇制意亦有在嘻茲春季靈運攸窮
人情既感神理可通繫神於天譬水在地惟誠之格
奚間遠邇故國腥羶于何陟降昔所漸被今宜盼饗
龍旗鳳旌鬣髮東指誰其衛侍有臣楊李芒芒海域

猶戴皇仁庶幾揚靈載笑不顰矧伊明經非為稷馨
尊周之義昭敬是程相推薦恩不棄其後冀監寸悃

以顧以右

藝文提學
金鎮圭製

大報壇親祭文

涓涔欲朝滄海已桑棗不泯至德敢忘洪惟大朝
子視東方先祖受命自我高皇世荷帡幪僅保封疆
粵在龍蛇島夷陸梁生靈魚肉廟社榛荒誰拯塗炭
誰遏猖狂於焉赴訴父母君王皇上赫斯聖武維揚
勞疲中國殫竭兵糧藩邦再造緒業重匡恩隆覆育
澤涵霈霽欲報之德河海難量恩頌蟒衣受言珍藏

永期子孫殫職篚筐云胡涖灘大運覆隍三百宗基
忽焉淪喪煤山之禍至今摧腸神州陸沉閩幾星霜
腥膻滿目故國荒涼孰護寢園孰薦馨香築彼靈壇
寓我羹牆季春載迴追慕累長仰惟明靈陟降雲鄉
如水在地隨處洋洋誠通可格邦陋何傷菁茅無所
芴苾是將區區寸丹庶質彼蒼龍旂鳳旌瞻藹悠颺
咫尺駿奔宛瞻耿光仰冀降歆敬歲一觴

大提學
姜銳製

大報壇親祭文

於赫皇祖天挺神武靈承景運掃滌寰宇帝垣天街
星宿改色四維九垓神鬼受職海隅出日罔不主臣

時維東藩亦際鼎新先臣康獻天命攸歸土宇取章
聖簡不違邦號維改匪直誥書皇覽錫嘉述箕之初
廷有論言違悶不小維天子聖何畏乎巧承筐世世
恪遵侯度皇陞赫戲臣祖陪扈萬曆之惠昭其監祐
正朔三百泗水東溟昊天不吊寶錄淪喪英孫殉社
率土滄桑別彼下泉哀此弱國聖有麟書廢不忍讀
歲集泥灘靈墳始蕙祇覲神考蓋慎徽典永言志事
詎緩輦裡祖功宗德一宜存親聖躋昭穆不顯其光
簡茲靈辰穆愉上皇滄山玉帛原廟衣冠想像儼然
陟降在壇楚屋維茅昭歆焄蒿維水在地維澗有毛

明明對越父母孔邇二后從配享洽神理八表同昏
七廟無主猶秉周禮茲惟東土朱紘疏越萬舞有弁
掃地以禮愀見垂倣

第一位

天運陽九四維如晦海域王春羹墻儂儂民藝臣義
永世靡懈下國亘邇掃地以祭先考義起享我聖帝
顧瞻中土追惟壬歲滄桑百變膏澤靡竭孰沃其焦
孰援其溺環東草木罔非帝德踟高踏厚曷云疇之
朝宗一念無地可施楚屋祭昭魯策尊姬黍稷馨潔
月星昭森雲旗風馬裔裔東臨一片靈壝萬世苦心
遺我後人用享有孚逮臣奉饗無敢怠渝每歲駿奔

如承穆愉怵惕祖位采增西悲弱國艱貞寤寐皇慈
涖灘以降忍輸縉皮屢世薪膽奈此齋志洪惟皇祖
亦粵毅考神功正宜克裕克紹字小之仁終始丕冒
頌彌晰謗曰稽洪武惟皇承之再造焦土明辨廷誣
寔監先矩憫顛讓帥又見崇禎惟皇啓之不替救升
凡此大德並宜報答洋洋祀典徵諸漢祫追原自出
亦稽孫祔翼翼壇墀併伸攀慕於戲不忘天王聖神
和鬯駢牡昭薦明經 第二位

天經地誼禮著殉社溯稽終古蹈義或寡猗我聖皇
烈烈耿光義無不彰德匪不臧天實不佑奈此降割
煤山雖燼天柱未折日月炳煇萬世有辭祖宗洋洋
靖自獻之粵在丙丁緡鋒東急帝曰鮮人罔間旬服
先帝所恤毋忘壬辰予其瘠視俾爾底淪惟汝弘範
修予治櫓往赴其阨如沃焦釜仁匪不暨惜其後時
重英道遙弱力難支帝降嚴辭二帥是讓云何濡滯
愬彼顛喪長鞭馬腹勢雖不及德音所被昊天罔極
干戈阻絕陵公遷移陰雨有膏黍苗不知滔滔江漢
此何人哉百年繒絮亦孔之哀祗以隱恫邈乎罔聞
汗青不泯始徵紀文明命隔晨奉以滌滌日暮途遠
先祖苦心甲鼉黃墳先考丹誠曷疇萬一大報攸名

皇祖新躋神考薦薦我享我將遵豆有踐以孫而紂
於禮則宜海國塵桑尚回雲旗永言配烈萬世无斁
揚靈有剡以歆以儆第三世○藝文
提學鄭羽良製
大報壇親祭例用祭文
上帝簡聖大正于元皇乘六龍手扶乾坤文謨武烈
六合階庭乃眷東顧俾我輯寧維時臣祖祗承明旨
尹茲東土神人攸庇皇既頒瑞曰錫嘉謫殷師舊履
爰命復冒明燭萬里斐錦罔售父母孔邇雨露均覆
秋毫皆帝要甸奚隔神考救焚毅廟憫阮究厥原本
道皇祖訓瑤圖三百天祿永賔陵廟丘墟滄桑蕩汨

匪風下泉崩心涕骨楚屋有倣靈墀有伉先考攸設
萬曆是享追原報始爰舉絳儀聖躋秩祀於禮則宜
華其有倣二后從配經我思成洋洋如在神功盛德
曷云能報香升居歆工祝致告

預備

錫辨辨讒恩在萬世非曰能報祗伸情禮第一世
於赫聖后誕承謨烈四紀光臨至化旁達顧我東藩
偏荷恩造昔在龍蛇島蠻肆暴八路創殘萬姓塗炭
帝時赫怒出師命援妖氛一掃邦祀再血欲報之德
與天無極世運嬗變冠裳倒植鐘簾既移廟貌隨毀

雲鄉夙邈天醉幾時匪風之思增我西悲拱辰雖勤
執壤何所爰築靈壇以寓追慕菲羞薄幣豈稱情禮
祇將昭恪期永不怠皇靈在天左右降陟有感則通
無遠不徼睠彼中州腥穢匝地念此虔潔毋我遐棄
涓吉齋躬式薦牲醴仗幄孔儼恍若陪衛龍旂日馭
彷彿東狩監茲血忱尚其歆祐

預備

義尊一統恩深再造愾我裡祀曷云能報
毅烈維后振古有光蹈義殉社昭揭天經視以內服
惟茲東維再造之恩神考是思念我不吊又罹丙丁

第二位

狂鋒猖獗躡我門庭帝顧咨嗟詰戎督師臨河師老
喜不及事帝彰其慢威譴斯赫朝海路絕干戈滿目
地屬事秘恩旨誰傳滄桑永世痛纏涕灘膏澤不沫
汗簡是徵秋毫皆帝河海洋黍苗之思匪風之慕
弗怠益虔維臣父祖靈墳有儼肇祀皇皇追躋秩享
載述舊章僣僣西悲穆穆郊儀三后盼蠻式序其綏
九廟丘墟萬國腥膻裡享無射下國芟芟靈旗掩翳
如聞歎嘻庶監菲忱昭格無違

預備

籩豆既陳奠獻不躬心如不祭誠或可通

第三位
藝文提舉

鄭羽
良製

附樂章

明明三后萬邦之辟皇公伊濯在我東服有猗其壇
有儼其神承筐是將用肇精經

明明一章八句 奠幣

載錫嘉彌載燭論言於乎遠哉萬世之恩玄雲羽旄
桑海茫茫瑟瑟瓊黃流神保是皇

載錫一章八句 一位初獻

帝有大造者其神武復我廟社奠我疆土報紀伊何
大饒純壯於昭陟降庶幾歆佑

帝有一章八句 二位初獻

狗社之烈恤小之惠遠海洋曷云能濟清酏既載
明燎斯煌揭虔無射右我后皇

狗社一章八句 三位初獻

籩豆有踐鐘鼓斯噲匪日報德維以竭情禮儀既備
載徹不遲於萬斯年底無射思

籩豆一章八句 撤籩豆

表

免貢海東青謝恩表

宸心字小曲加矜憐海甸霑恩曷勝銘佩撫躬罔措

舉國同懽伏念獲際昌辰叨守敝服顧荒裔之無產
幸逸翮之得羅聊效獻芹之誠僅充執壤豈合多儀
之享祗慙旅庭爰值賤价之還迺承免進之命軫取
物勞民之或怨諭敬上恤下之所宜密勿十行耳恍
聞於咫尺感激三泣骨期鏤於尋常伏遇大度智臨
英猷顯比稽却駿於漢史體戒焚於周書弛罟仁恢
靡一物不遂其性納隍憂切舉九圍咸底于寧遂令
駑愚特荷卯育謹當恒殫素節益竭丹衷誓至子孫
益虔屏翰之任嘉與父老倍伸岡陵之祈 大提學 崔恒製
進白雉回還使臣賜表裏及付送彼虜人謝恩表

帝德丕冒庸篤懷經睿恩覃施采增感激粉身難報
鏤骨敢忘伏念猥將庸姿叨守荒微何圖天下文明
之瑞每產海外僻陋之區底貢益虔詎有毫毛之補
匪頌曷至偏承卯翼之私荷戴奚堪佩銘已極矧矜
俘虜之餘喘俾復鄉閭之故居懽實深於提封事尤
光於編簡伏遇仁踰怙恃道合生成視四海猶一家
罄遐裔以挾纊保萬民如赤子無匹夫之向隅遂令
駑鈍荐荷龍光謹當誓至子孫謹俟度於永世嘉與
父老祝皇齡於齊天 大提學 崔恒製

請謚表

賜謚易名惟帝王之大典告終請命實臣子之至情
敢煩顙呼累增惶懼竊念先臣諱祗承睿眷嗣守弊
邦遵侯度而小心常勵忠節遭家閔而在疚奄辭昌
辰載稽前規顯望殊躋伏望諒顯親之懇垂恤孤之
仁遂令貞魂獲紆異渥謹當之屏之翰永保箕封曰
壽曰康恒申華祝

承襲謝恩表

帝德履冒克篤懷綏睿澤便蕃祗增感激撫躬知愧
銘骨難酬伏念猥以冲姿權守敝履綸音密勿許襲
茅土之封冕服焜煌仍兼筐篚之錫矧伊異數施及

寡妻申戒保邦之規且諭備邊之策寵賚若此前昔
所稀伏遇道合生成仁深怙恃憐微臣之繼志念先
王之效忠遂令庸材獲紆殊渥謹當之屏之翰恒存
挾纊之情曰壽曰康倍伸添籌之祝

追封降勅謝恩表

猥以庸姿邈守弊履叨被自天之寵戴荷難堪冒陳
顯親之懷兢惶累切何圖使价之返獲承允俞之音
追爵易名既重泉之增賁疏封錫服亦孀母之與榮
恩光疊陳幽明共感伏遇慈踰怙恃化倖生成諒臣
奉上之忠憐臣報本之志遂令孱品特蒙殊私謹當

子子孫孫恪勤藩宣之寄朝朝暮暮倍伸頌禱之詞
內殿誥命謝恩表

錫命自天懷綏既洽措躬無地感愧深增揆分踰涯
矢心圖報竊念正宗之道實是治國所先頃具情由
以勤敷奏何圖異數獲紆寡妻鸞誥焜煌浹降絲綸
之密勿翟衣燦爛又兼筐篚之珍竒寵光若茲前昔
所罕伏遇仁敦字小度廓包荒憐臣事大之誠諒臣
慕義之懇遂令駑質曲荷鴻私謹當慎守藩宣誓益
殫於素節嘉與父老恒申祝於皇齡

進貢使臣特賜宴禮部謝恩表

雨露恩深撫綏罔間於內外雲天澤霈優寵延及於
賤微感激深增縻粉難報伏念幸逢盛際猥守遐藩
願未效於涓埃惟知謹於屏翰何圖擊表之下价特
被錫宴之殊榮浹骨淪肌悅親沐於洪渥醉酒飽德
若普霑於全封茲豈陪臣之私叨實是一國之同慶
伏遇仁敦字育量廓包容厚往薄來得群情之胥悅
柔遠能通致萬邦之咸寧遂令孱軀荐被異眷謹當
嘉與父老恒申祝於皇齡誓至子孫益永虔於侯度

大提學金
安國製

辨正宗系降勅謝恩表

文苑菁華卷之十一
十一
太陽普照餘光洞燭於隱微沛澤偏施流波盡滌於
誣枉恩被存沒感激幽明伏念系出孤寒勢絕憑藉
初以朝鮮之遺庶遷徙遠方後仕前元之將衰除襲
冗職逮先臣始官於舊土事高麗漸陞於顯班唯守
純忠而勤勞不與奸黨而締結值國運之告訖奉妃
教而權承原本心非因希覲之圖究載譜罔涉悖逆
之族審輿情而錫封爵帝眷旣隆罄中心而拱北辰
藩節益礪耳目難掩首末甚彰痛成錦於讒人類投
杼於慈母致淵洪垂範之訓玷萋斐傳訛之言重泉
鬱悶而莫伸再世瀆顛而未異縱蒙兩朝之俞命尚

阻昭雪之詳特降一札之綸音快示辨錄之旨溫諭
丁寧而愈切宿累消釋而靡留豈料愚魯之身濫荷
殊尤之渥伏遇仁敦字小量廓包荒萬物各得其平
咸仰徧覆之德匹夫皆獲自盡詎有向隅之悲至今
敵邦亦解冤抱謹當恪遵侯度益效江漢之朝宗倍
祝皇齡永獻崗陵之悠久

大提學金
安國製

發還漂流人物謝恩表

丕冒德洽曲加寵綏並育恩深采增感激誓心圖報
銘骨難忘伏念猥將庸微叨襲藩服未效涓埃之小
補偏承雨露之洪私矧今邊海之氓漂到上國之界

憫九死之餘喘特垂睿慈推一視之至仁俾還舊土
豈獨賤躬之荷戴抑亦舉境而歡欣伏遇度廓包荒
心敦字小法禹猶涵澤無間於窮遐體文如傷政必
先乎惇獨遂令敵邦獲彼殊榮謹當恪守箕封庶殫
釐東之職恒申華祝倍輸拱北之誠

大提學金
安國製

勅諭問起居賜表裏彩段絨錦謝恩表

睿澤忽霈驚汪濊於弊邦天貺沓臻溢光華於陋域
凌兢罔措感激深伏念荒遐下封庸愚賤品徒切
葵藿之抱靡效涓埃仰荷乾坤之恩偏蒙卯翼欽聞
巡南之遠駕愈懸拱北之微誠雖阻扈從之班敢闕

起居之禮僅修職於末節濫叨寵於過褒王音丁寧
特降綸綍之札雲錦燦爛更錫筐篚之珍矧龍袍之
殊榮豈駑質之堪稱眷命及此前昔未聞欽惟達孝
奉先至仁育物推一視於遐服益敦撫綏得萬國之
懽心咸歸鼓舞遂令孱軀之無似曲被隆渥之非常
謹當願望焚宸祿整丹幅朝朝暮暮恒存挾纊之懷
子子孫孫倍祝如岡之壽

大提學金
安國製

賜陪臣一宴兼刷還人口謝恩表

鯁岑賤价獲霑湛露之濡鯨浪餘生再被洪勻之造
殊眷逾稱感戴難勝伏念猥以冲姿權守遐服唯知

謹於職貢顧何望於恩私而茲蟻蝨之微臣與夫蠢
蠕之殘命天分九醞叨被一宴之需雲地隔千程幸
免三重之坎險既飽令德之顯顯言復我里之悠悠
濫承寵於非常願圖報於罔極伏遇包容度廓並育
仁深迺悅遠來俾群心咸遂其欲亨屯拯溺疇匹夫
不得其情肆在小邦特蒙至渥敢不恒傾葵藿庶竭
涓埃恪守釐東禮益謹於朝職誠懸拱北壽信祝於

岡陵

大提學申
光漢製

欽賜律管謝恩表

天子有三重之常制度出一黃鐘為萬事之本資與

特加寵極驚惶恩溢器數伏念叨守僻陋幸際文明
深蒙至化之陶勻獲覩百年之禮樂顧茲弊邦之懸
設曾是先帝之降頒恒懼積分之漸差竊欲累黍而
得所惟十二陰陽之管非損益曷盡精微而五八聲
音之諧是神人賴以和悅初擬就正於市貿敢望宣
賜於御藏參差律呂之短長妙合候應清濁宮商之
節奏允協聞聽龍光視古而彌隆治忽由此而可察
伏遇功參創述道造彌綸監前代而憲章體郁郁於
周室命后夔而擊拊致蹌蹌於虞庭遂令遐方亦荷
殊寵謹當恪守青社矢罄丹衷庶用變夷備方響於

唐部終期忘味贊九成於舜韶 大提學中
光漢製

三都恢復謝恩表

失守疆場方罹致寇之凶仰仗威靈特紆復國之慶
既骨而肉後來其蘇伏念承祖先之遺基忝翰藩之
重寄日月下照恒切葵藿之傾陽聲教東漸久息鯨
鯢之掀海何圖蠢茲小醜乃敢信然長驅痛廟社之
為墟幸父母之孔邇殆哉岌岌感四方而安歸母曰
高高洞萬里之明見垂恤哭之厚澤察服勤之微誠
霄漢降絲綸益勵忠孝之義飛輓給餽餉更寬庠癸
之憂遣文武大官以縛心統南北銳率而賈勇急於

救焚拯溺易如拉朽摧枯纔箕壤之蕩平奄京邑之
底定衣冠得免於鱗介士女恐後於簞壺共惟帝臣
仁洽一視恭行天罰師出萬全民生復奠厥居人力
豈至於此伏遇博施濟眾興滅固存布及物之恩疇
匹夫之不獲靡飽荒之量舉八蠻而減賓技臣於水
火之中寘臣於衽席之上敢不思酌毫髮忍死須臾
收齊七十城庶保再造祝堯千萬歲倍彈三呼 大提
學柳

謝恩表

幹蠱无咎冒陳擇儲之情申命用休曲垂責成之諭

何階報答祇積兢惶伏念忝祖攸行遭家多難失弗
窟之官守懼墜遺基求無恤之簡辭思得良嗣計誠
切於付托事或違於憲章豈圖綸綍之音遽及顛蒙
之質天將降任於是既許便宜之權事蓋有待而然
持示優處之意雖冊禮之未舉實眷注之非常伏遇
量廓包荒仁隆字小曰奔走曰禦侮俾效攘夷之功
教軍旅教臨民期收撥亂之績遂令孱息獲叨溫言
敢不奉以周旋一乃心力如車遇險冀前覆而後懲
若農服田庶父蓄而子播

黃慎製

再發援兵謝恩表

日月普臨羽見萬里之遠雷霆赫怒重震九伐之威
感淚交零驚魂靡定伏念守藩隳職卧薪抱羞荷聖
慈之曲全衛邑雖復奈邊鄙之多聳秦寇又來念疾
呼之太頻傷自振之無策孰謂剝膚之切迫每被拯
己之恩私騎步協防先大軍之聲援芻糧折直煩少
府而給供幸緒業之得延欣父母之孔邇伏遇義隆
禁暴仁洽固存痛狂逆之稔兇流行天討愍繇薄之
就剪再勞王師遂令累基之危庶成磐石之勢敢不
率勵士氣憑仗皇靈佇滅賊之有期瞑目畢願欲報
德而罔極粉骨效愧

大提學李
德馨製

文苑叢書 別錄卷一
降勅雪冤謝恩表

丘山罪積既荷再生之鴻私雨露恩深更紆百明之
寵賚驚魂靡定感涕徒零伏念職缺藩維業墜祖緒
猶子事父恒輸北拱之誠自我致戎久貽東顧之慮
何圖至治之聖代乃有罔極之流言構虛捏無痛罟
穿之將納彼汚受惡問禽獸之同歸屬茲平賊之辰
獲覩辨誣之典蟒衣二襲燦爛在笥之珍鳳詔十行
丁寧卧薪之戒曲全皆賴於帝力嘉貺實出於宸心
敝而改為叨承前後之賜奉以勿替悅對咫尺之顏
伏遇度廓包荒仁隆興滅明見萬里快雪覆盆之冤

威震四夷永收韜戈之績遂令曠世之異渥亦及負
戾之微身敢不一節殫虔九殞思報保釐青社竊幸
衛國之忘亡瞻望紫霄庶效封人之祝聖

皇太子冊封頌謝恩表

少陽重明丕衍一索之慶大彌申命恭承十行之綸
蹈舞惟均感戴斯極伏念僅繩墜緒偏荷隆私復冠
裳於介鱗餘生再造拜誥冕於灰燼舊邦維新茲當
開泰之昌辰獲覩崇封之盛典三韓拭目驚使華之
自天四海傾心仰前星之出震德音覃布於遐邇寵
賚遍及於存亡喜實同於幅負恩獨優於藩服伏遇

稽若成憲規恢遠圖付托得人為宗社萬年之計謳
歌與子啓本支百世之休遂令微臣亦叨異數敢不
恪修侯職思答皇仁毋死須臾更霑東漸之化不違
咫尺倍彈北拱之誠

大提學李
廷龜製

賜祭謚賻謝恩表

不獨親而同愛盛德常逮於賤微以厚生者恤喪隆
恩無間於存沒仁均覆載感徹幽明伏念獲戾神祇
降割家國扣膺西日末由追攀稽顙北辰敢申赴告
詎意慘怛之發乃及踈逖之臣虎節遙臨宣引行易
名之冊龍光荐被備歸賻釐鬯之儀義固大於重終

禮亦豐於從舊伏遇蕙利萬品洞燭四方軫小邦橫
遭寇戎拯濟淪溺察先人夙謹侯度屏絕讒訛肆當
入地之餘愈篤自天之眷敢不兢戴父母篆銘心肝
五物罔愆庶贊漸海之化一息尚在彌彈祝嵩之誠

大提學李
廷龜製

欽賜廢世子衽冕服謝恩表

申命自天既叨綸音之降推仁及幼更荷法服之
頒受賜如新銜恩倍舊伏念箕裘繼業燕翼貽謀
尊禮義於八條謹守前烈奉聲教於一統竊慕中
華顧惟兵禍之餘遂致文物之喪冊典纒沒雖欽

錫魯之辭圭冕未傳奈欠從周之制茲煩奏顛獲
蒙允俞佳貺便蕃不惟光耀於弱息睿札昭示兼
承獎諭於微軀本欲粗備乎邦儀何意特紆於聖
眷快覩七章之盛豈曰無衣驚披十襲之藏是以
有象實為百世之珍製奚啻今日之榮觀寵渥非
常糜粉曷稱伏遇貴飾成憲黼黻皇猷冠帶四夷
巍乎功德車書萬國燬焉規模乃令偏藩亦忝異
數敢不絲毫知感曳婁圖酬誓至子孫長懷挾纊
之惠嘉與父老永贊垂裳之治

大提學李
廷龜製

降勅倭情辨誣謝恩表

人言可畏敢陳席藁之控辭天鑑孔昭特賜覆盆
之委照驚視繞定感涕先零伏念叨守敝封祗承
遺緒楚氛甚惡一隅久困於兇鋒衛國忘亡再造
乃歸於帝力豈料傳訛之邊報遽干好察之聖聰
取島築城事皆不實容讎入賊語亦無根肆憑賤
价之行屢瀆嚴宸之聽降溫綸於題奏誕示丁寧
垂炯誠於藩維益勤修備遂使飛霜之痛即蒙快
雪之恩解悶釋冤與臣民而蹈舞沐仁浴德仰父
母之顧憐既免橫加庶休直辨伏遇知臨治盛明
見道光萬寓輸心爭獻琛於內府匹夫獲所咸擊

壤於康衢爰推伸枉之洪私克逮受誣之疏跡敢
不銘肝增激磨頂思酬星拱北辰對威顏於咫尺
士全東社奉職貢以始終

李爾瞻製
官大提學

賜銀謝恩表

虜情叵測猥陳鈐轄之孤危帝賚異常更荷絲綸
之獎勵寵紆重英渥溢百朋伏念嗣守箕封恪供
禹服拒倣道之日本再造含恩當逼境之天驕九
攻從命既致羸師之未返詎能餘燼之可收亭障
失憑敢請屯兵於河上橐囊垂罄奈謀轉餉於襄
中只知告急而籲哀不分求全於微惠仁隆字小

愍積敗之難支羽著察微痛橫侵之莫保爰發鏢
鏐之二萬誕宣組練之三千瑞彩凌霜信強胡之
奪魄神光若燭豈壯士之無顏咸誇手探化鳩奚
羨腰纏乘鶴歡聲雷動競懷戮力於洪私感涕兩
零爭願捐軀於遺澤是固東韓之盛事非徒西園
之侈觀伏遇夙御鴻基丕恢駿業紫泉一帶應熙
運而澄清黑水諸首罄雄威而逃遁遂使柳營之
戍率荐承慈鑪之賞規敢不夷險鏤心始終銘骨
如新受賜頌善繼之孝思戀舊圖酬誓罔虧於忠

節

李爾瞻製
官大提學

降勅辨誣謝恩表
眾謗如雷血疏既煩於控奏厚誣快雪溫綸特浚
於寵綏沒世不忘終天曷報伏念祗承繇緒偏荷
洪私與虜為隣守遐藩而捍衛敵王所愾悉敵賦
以從征未能獻馘而封屍直欲焚書而斬使詎意
網狂之走謀遂成蝎譖之造疑構虛罔極之言實
多盈筐抱枉難容之痛奚啻覆盆只期陳訴而剖
心果獲推誠而置腹何堪安忍念大義於君臣更
訂載申體至慈於父母一字無非敦論十行總是
殊恩寶墨猶新想初傳於玉几多緘依舊望忽斷

於珠丘出迎而喜共悲來捧讀而淚隨聲迸東韓
民物始滃禽獸之深羞西塞戎首莫售豺狼之兇
計豈但有辭於海內庶幾自立於國中伏遇業邁
湯孫道遵文祖神威遠暢音已變於鷓鴣聖孝彌
隆愛亦存於犬馬故率再領之遺旨仍宣九殞之
餘生敢不激勵微忱奉揚懿訓靡渝前志恒載德
於今辰以事先皇願移忠於當宁

李爾瞻製
官大提學

泰昌頌詔謝恩表

龍圖新御誕恢千歲之鼎休鳳詔遠頒聿致萬方
之咸悅撫躬戴德拜手含恩伏念職列外藩誠均

內服續承先考欲酬再造之洪私遭遇神皇幸被
重熙之至化遽抱遺弓之哀痛莫伸輯瑞之賀棕
晉錫便蕃溲寵章於雨露堯言密勿炳文教於日
星事出非常榮叨異數伏遇統傳天緒道闡震維
講序執經學業既成於周嗣諒闇盡制孝思允邁
於殷宗遂令青社之遐蹤亦荷紫泥之宏典敢不
心殫傾藿禮率包茅終始罔愆庶益修其侯度死
生不怠願無愧於臣忠

李甫瞻製
官大提學

發太僕銀買給焯焯謝恩表

物非地產軍資方缺於火攻命自天申帝賚遽紆於
波及恩因舊額榮屬新叨伏念祗服先猷塵延墜緒
塞望敦迫勉膺權署之稱遭時孔艱敢緩同仇之義
竊念陷堅之利用莫如飛礮之良需求必曲從既弛
關梁之禁侈於例買至糜帑藏之珍一域騰歡萬眾
增氣伏遇廣運德大博施仁隆軫下國之沾危思欲
拯濟憤小首之梗化期致廓清故當對壘之辰特賜
除戎之具敢不敵王所愾率祖攸行陰雨綢繆戒常
存於無備夙宵區畫謀或贊於有征

大提學李
明漢製

冊封謝恩表

溫綸誕布方深感厲之哀緝典克完益荷生成之德

三才譜卷一
三十一
舞蹈拜賜頂踵歸恩伏念頃遭多艱猥塞群望塵延
墜緒幸承床於祖先叨攝敝藩敢請命於父母寔賴
明見萬里乃蒙特降二星鳳誥鸞書頒寶札之浥汗
瑤函玉檢紆寵賚之便蕃矧茲龍象之九章並與翟
綸而三錫何階報答徒積兢惶伏遇如日照臨體天
覆燾博施濟衆惠洽華夷推亡固存功參化育遂令
鯨域曲被鴻私敢不祗奉皇靈恪守侯度恭極高遠
彌堅壯拱之忱滄海茫洋永霑東漸之澤
百昌製 鄭
誥冕補賜謝恩表
至仁偏覆既荷再造之恩申命用休復紆三錫之寵

循涯已溢省躬罔堪伏念職忝守藩智昧戡亂播越
草莽敢懈葵藿之忱拯濟艱難唯賴雨露之澤願茲
兵火之孔慘遂致文物之俱淪琬琰無傳痛大訓之
莫保衣服不備恐明裡之或虧卑悃寧避於煩誦睿
眷特推於矜許九章燦爛制作實出於尚方一札昭
回獎諭猥過於微分威顏悅承於咫尺異數更隆於
始終漢儀重來榮耀拭目之觀綸音遠布慰滿傾耳
之聽浥渥非常糜粉曷稱伏遇義敦興滅量廓包荒
蒞中國而撫四夷克配上帝建皇極而歛五福茂育
群生俾令敝封沾被盛典敢不如新受賜倍舊彈誠

報答奚階庶竭力於屏翰銘鏤次骨但祝壽於岡陵

大提學
申欽製

皇太子誕生頌詔天使回程謝恩表

弓韜儲祥方賀震索之祚絲綸頌慶濫紆浚誦之恩
撫躬增惶循涯知感伏念忝守敝服幸際昌期祝聖
人之多男每彈微悃頌吾君之有子獲覩宏休何意
鳳札之昭回遽及鯨域之遐遠威顏咫尺若奉三覲
之榮寶既便蕃實逾百朋之錫自揆駑劣曷任龍光
伏遇受命溥將凝基丕赫刑家御國衍鴻圖於本支
作室肯堂弘燕翼於宥密爰推異數普示同仁敢不

銘鏤寸衷激昂一節重暉重潤擬撰星海之謠俾熾

俾昌願獻岡陵之壽

敏求製
壽

皇孫誕生頌詔謝恩表

甲觀凝祥方隆錫羨之祚鳳檢浚誦丕示同慶之恩
拜命以還撫躬罔措伏念幸繇墜緒僅守遺基得占
餘波仰文聲之遙駿獲覩盛事喜湯孫之誕生豈意
使華之降臨至煩寵賚之優厚絲綸密勿昭乎日月
之麗空錦綺紛披爛然雲霞之溢目視均內服既出
中心為龍為光奚啻萬邦之永賴重輝重潤抑亦弈
葉之無疆伏遇剛健粹精聰明淵懿正元良之位繼

序其皇貽燕翼之謨垂裕有赫遂令異數覃及偏荒
敢不思罄丹忱彌堅素節歌呼相賀咏周雅之百男
報答何階獻箕疇之五福

大提學
中欽製

天啓皇帝崩陳慰表

恩霑率土方切祝崗之誠禮陟配天遽傳憑几之命
日月所照摧慟齊深欽惟孝友因心倫序嗣服儀音
已遠傷弓劍之莫攀著存不忘即羹牆而有見願思
繼述之重勉抑哀疚之哀伏念職糜偏藩至後同軌
奉圭兼幣雖阻應門之班譬星拱辰架增象闕之戀

大提學鄭

經世製

皇太子薨陳慰表

天心有眷方騰小海之祥神理難詳遽晦前星之彩
謳歌望缺驚惶情同欽惟丕承顯謨無競維烈欽時
五福用敷錫乎庶民篤生一人賀元良於萬國寧知
甲觀之慶未到晬盤之期冀勉抑於淵衷庸俯答乎
輿悃伏念猥蒙洪造忝守藩封以攝莫親縱違魯吊
之禮克昌厥後倍彈華祝之誠

大提學鄭
經世製

賊薄皇城陳慰表

雷霆振威方佇邊圉之清廓蜂蠆逞毒遽聞上都之
震驚凡在含生孰不茹痛欽惟英猷天授睿德日新

文苑補遺

卷一

表

二十六

文苑薈華 卷一
內繕外攘光啓中興之運文謨武烈丕承列聖之休
豈料狂寇之陸梁敢肆兇鋒之穿塞雖皇靈有截旋
致渠首之遁逃而兵燹所經重貽京輔之瘡痍既定
謀於全勝願少寬於殷憂伏念敷壯力微朝東誠切
捐軀赴難縱未效敵愾之忱刻骨誓心庶無忘刷耻

之念

大提學
李植製

聖節表

清商協序重開華渚之祥寶宸居尊丕衍皇圖之慶
歡均夷夏喜溢堪輿欽惟淵德日躋聖猷天縱功極
位育治道軼於百王化洽雍熙恩澤覃於四海茲當

令節之屆益貽哲命之延伏念幸際昌期叨守荒服
虞庭九奏趨蹌未逮於鳳儀漢嶽三呼賀祝不勝於

鰲忭

大提學金
女國製

聖節表

凝旒璿極運方升於泰亨紀瑞瑤光時載回於震夙
神人叶慶動植均歡欽惟祗紹燕謨丕闡鴻業馨香
至治囿民物而咸熙溥博深仁撫要荒而率服茲當
誕彌之節益膺長發之祥伏念叨襲藩封曲被洪造
九成韶奏雖阻鳳儀之庭萬壽嵩呼敢伸鰲忭之賀

大提學

李植製

文苑薈華 卷一 表

二十七

冬至表

一陽下復協氣應律於黃鐘七政上齊長景昭瑞於
玄象慶溢普寧歡均邇遐欽惟齊聖廣淵聰明睿智
儀禮制度規模冠於百王偃武修文德教加於四海
茲當亨盛之會益膺福綏之申伏念猥將庸資幸際
熙運迹滯青社雖阻玉帛之班誠懸紫宸倍切岡陵
之祝

大提學全
安國製

冬至表

地中之陽聿動節回小春天下之慶攸同儀視元會
重霄瑞色普域歡聲欽惟典道俱冲因民欲逸遵閑

闕之戒養靜蓋將有為見生物之心推仁不可勝用
茲方躋世於化國豈止撫辰於流年伏念職縻東藩
誠拱北極存亡興滅受蘇特尤於品形感德戴功攢
祝徒切於壽嘏

崔豈製

方物表

星虹紀瑞丕闡餘月之祥玉帛盈庭咸修執壤之禮
物等名般不腆製造匪精豈合享上之儀祗表由中
之悃

弘文提學
李粹光製

方物表

自天而佑誕膺滿至之休隨土之宜敢違可羞之信

物等名般不腆製造匪精豈足稱享上之儀聊以表
由中之悃

大提學鄭
經世製

箋

賜綵段謝恩箋

命膺貳極允協輿情恩承九重覃被遐裔慶寵並至
喜感交駢伏念踈逖微蹤庸愚下品每紆上天之眷
榮幸實多載覲前星之光仰戴斯切何圖絲綸之降
復蒙筐篚之頒朝野競歡臣民胥抃伏遇性稟淵懿
德著溫恭既主器以承祧爰推仁而及物遂令駑質
獲荷鴻私謹當更礪丹衷益殫素節瞻休有夏倍切

謳歌之誠賡雅成周竊獻熾昌之祝

大提學金
安國製

千秋箋

重明承日月咸仰於少陽千歲作春秋聿回於初度
謳歌攸徧蹈舞則均恭惟溫懿性成允良望著位正
貳極以序以賢而俱宜禮隆三朝為忠為孝而用譽
茲當誕彌之節式受滋至之休伏念有此再生無非
並肖延頤願效天地長男之尊誦言不忘本支百世
之雅

崔豈製

冬至箋

七日来復正屬子夜之生陽貳極承乾咸頌甲觀之

大提學

別編卷一

箋

二十一

衍慶歡聲匝域喜氣騰霄恭惟質稟淵冲姿挺岐嶷
三朝愉婉早播仁孝之譽萬國謳歌允協元良之望
茲當道長之日益膺川至之休伏念幸際亨嘉叨守
藩屏縻跡左海縱阻玉帛之班延頸前星彌切岡陵
之祝

大提學李
明漢製

方物箋

微陽應律式陳亞歲之儀薄海輸琛咸仰前星之耀
物等產從荒僻品非珍奇聊彈葵藿之誠竊效菁茅
之貢

大提學
張維製

文苑黼黻別編卷之一

文苑黼黻別編卷之二目錄

奏文

乞頒示會典奏

陳倭情奏

復平壤獻捷奏

陳賊情奏

戰功奏

陳本國開府經理便否奏

請封世子奏

冊使渡海消息奏

文苑齋叢書 別錄卷之二

請兵糧奏

賊情告急奏

請留經理楊鎬奏

主事丁應泰參論本國辨誣奏

請留兵奏

請誥命冕服奏

貢獻人蔘乞用把蔘奏

陳慰奏

文苑齋叢書別編卷之二

奏文

乞頒示會典奏

宣祖辛巳

謹奏為本國宗系惡名已蒙昭雪乞頒示會典新書以訖恩命永洗舊冤事萬曆九年正月內有回還賀至陪臣書狀官洪麟祥說稱在京師聽得皇朝會典新書纂修垂畢刊行在邇等因得此臣查照先該萬曆元年二月內臣將先臣國祖康獻王姓諱宗系弒逆等被誣情節要載世宗皇帝實錄及新纂會典等情差陪臣吏曹判書李汝白等齎奏去後蒙禮部題

文苑齋叢書 別編卷之二 奏文

稱節該朝鮮國始封王姓諱代王氏開國作我東藩
守臣節而來王翰忠壯闕子孫相繼垂二百年據稱
宗系各有本源既與李仁任不同又謂國祚由于推
戴亦與弒王氏無與在我皇朝之大訓固得于一時
之傳聞在伊裔孫之辨詞實出于一念之誠孝合無
依其所請行文翰林院請出內府續修會典新書朝
鮮國一冊將姓諱並陪臣李後白等奏呈畧節纂呈
御覽附錄本條之末及將節年議覆欽奉事理備細
開載于世宗皇帝實錄垂示永世等因具題奉聖旨
是該國先後奏請差史館備書纂入皇朝實錄內新

會典候旨續修增入仍寫勅諭王欽此該陪臣李後
白等齋奉至勅諭爾祖姓諱久蒙不韙荷我列祖垂
鑑已為昭雪改正茲者纂修實錄欲將前後奏詞備
行採錄以垂永久朕念爾係守禮之邦且事闕君父
大義特允所請即命禮官抄付史館備書于爾祖實
錄內俟後修新會典並為詳載以慰爾籲雪先世懇
情欽此萬曆三年三月內陪臣戶曹叅判洪聖民齋
到禮部咨該本部題稱節該朝鮮國王姓諱痛其祖
之冤而奏辨至於再三其忠孝之情誠為迫切但前
已奉有明旨王言一出昭揭宇宙信如四時誰敢輕

為增損合無除已將該國先後奏詞纂入皇祖實錄
外因抄付史館俟修會典時為之詳載等因具題奉
聖旨是欽此又該萬曆六年六月內陪臣戶曹判書
黃琳齋到禮部咨該本部題稱節該國適年奏請
亟伸先世之冤其忠孝之情委為切迫故我先朝特
准釐正至我皇上復許其增入詳載蓋不徒體遠臣
為祖顓雪之誠亦以彰聖朝孝治天下之義今會典
奉旨次第編摩該國宗系惡名一款當備細載入既
經進覽之後自可頒示該國合無恭候命下移咨該
國令其各遵節年欽奉事理待書成頒到不必更憂

脫漏等因具題奉聖旨是欽此備咨前來准此除欽
遵外今該前因臣竊照先臣康獻王御宗系惡名蒙
被誣蟻不得昭雪一國臣民淪於無父無君之域者
垂二百年于今矣自永樂以來節次陳奏顓誠仰賴
列聖照察成祖皇帝有准他改正之旨武宗皇帝有
特允所請之命世宗皇帝再降綸音准令附錄至于
皇上緣臣前後奏請輒降溫諭勅旨丁寧德義之厚
與天同大臣祖臣父暨臣感激聖恩隕首結草圖報
無路臣既蒙許改之命更無未盡之疑固當遵奉明
旨以待頒降之期無庸奏瀆第念先臣恭定王御恭

文苑叢書 卷之二
僖王御恭憲王御節續承被列聖恩許而遵守外服
不得顛呼於典謨修纂之際屢失機會竟未見滌瑕
傳信之文齋恨沒地臣以薄劣叨襲前緒追惟祖先
之遺志未遂天朝之恩典未承少邦之冤痛猶在未
嘗不當食忘味馳誠拱北日望昭布猶恐更失垂成
之會永為千古之憾今值寶典將刊明降不遠敝邦
君臣且喜且躍爭欲先覩之為快數百年積枉之垢
蕩滌無餘在天朝為無前之錫在小邦為不世之慶
臣豈敢坐待順付之日而不先以一介之使而承皇
上之至恩也哉茲敢專差陪臣復干天威請頒示辨

誣新典以慰一國翹跂飢渴之望而不暇避煩擾之
誅伏望聖慈念先臣抱冤之情憐微臣銜痛之誠特
許陪臣一起暫且停留等俟印訖領降賫回則天地
再造之仁丕冒於下國日月燭幽之明遍及於窮泉

矣

大提學柳
成龍製

陳倭情奏

宣祖辛卯

謹奏為倭情事該萬曆十九年八月二十三日准遼
東都司咨該為哨探倭情事本年八月十二日辰時
蒙欽差巡撫遼東地方贊理軍務都察院右僉都御
史案呈本年八月初八日准兵部咨職方清吏司案

文苑叢書

卷之二

奏文

四

呈照得近該福建巡撫題為貢夷附報倭釁預陳防
備機宜等事內稱琉球國世子遣使入貢伊國長吏
鄭週附報印信公文內稱倭王關白兼并日本六十
六州戰勝朝鮮遣使白降琉球又令各州造船聚眾
聲言明年九月入寇大明已經本部覆行福建浙直
提備去後今又據浙江巡撫御史題為馳報倭夷緊
急軍情乞勅督撫衙門嚴加偵探早為禦防以杜後
患事內稱據琉球國回咨福建人陳申揭報日本倭
奴關白弒主稱王陰謀席卷琉球朝鮮並吞中國十
七年三月內差和尚來琉球迫令獻地輸金入朝奉

歡世子堅持不屈且言十八年四月起兵戰勝朝鮮
得三百人來降日本尚有^缺島大國長子弒父來降
關白自謂天授親督六十六州之眾擬今年三月入
寇大明入北京令朝鮮為之向導入福廣浙直令唐
人為之向導今取勝朝鮮國以造船向導助戰云京
師差人由路往朝鮮哨探朝鮮西南之地與日本對
馬州地相接壤等情為照朝鮮日本雖並居海島而
一南一北相距甚遠若使日本戰勝朝鮮則舳舻之
經涉者何止千里羽檄之告急者豈無片詞况朝鮮
歲奉正朔受國厚恩素稱禮義之邦各懷忠順之性

豈得因其戰勝甘心從賊而遽為向導哉或者日本有脅降琉球之意故妄稱朝鮮之敗以恐喝琉球而琉球有救援中國之心故輕信日本之言以播告閩越未可知也第風聞海外雖難懸斷有無而事係軍情必須遠行偵探案呈到部擬合就行為此合咨前去煩巡來文事理即差的當通事星夜前往朝鮮國內偵探日本關白有無入寇戰勝朝鮮國王果否聽信造船向導逐一細加體探務得的確情形或徑自移檄彼國陪臣令其即為啓知從實奏報等因准此擬合就行為此案仰本司官吏照依咨案内事

理即令會同分守道選差的當通事人役賫執郝司咨文徑赴彼國陪臣朝鮮國王知會其日本關白曾否入寇戰勝朝鮮國王果否聽信造船向導從實回報以憑咨部施行蒙此擬合就行為此合咨前去煩照咨案内事理煩查日本倭奴關白曾否於某年月日某隘口入寇有無戰勝朝鮮貴國果否聽信造船向導逐一從實細查的確星夜回報以憑立等轉報施行等因准此臣查得先該本年三月內日本國對馬島太守宗義調刷還彼擄人金大機等供稱上年六月間在彼地畠山殿州聽國主盛具戰艦擬於

明年春入寇大明續謗本年五月內有倭人僧俗相雜一起十餘名來到稱說日本關白平秀吉用兵并吞諸島六十六州琉球南蠻諸國亦皆歸服為緣嘉靖年間遣使朝貢大明拒絕不納世懷怨恨之故擬於明年六月間入犯大明兵船所經慮或攪擾貴境若得大明許和事可得解又該本年六月內對馬島守宗義調所遣伊男義智來到浦口稱有警急因說日本關白大治兵船將犯大明貴國地方并應被擾若貴國先報大明使得許和可免此患等因已將所聞未委虛的及伊賊哄脅難測事情節次備咨禮部

順付赴京陪臣去後今該前因已經畧具詞節回咨鄰司計已轉聞朝廷外臣竊照日本一種邈在滄溟伊性輕狡以舟楫為技能以寇掠為生理迨如小邦沿邊遠如上國海微出沒此此為民吏患固已久矣至於抗怨天朝聲言兵勢使人恐動小邦以冀為伊通款此伊先古未有之兇詐也又至於琉球不曾歸服却說歸服以說我小邦小邦不曾敗降却說敗降以誑於琉球而將伊犯順之計彼此播說而不憚其心果欲何為必是伊自忖量阻以鯨波萬里其兵力所至非中華所測知東南降附非兩處所交驗兇謀

恃狀雖上聞非問罪之師所易及乃敢張說虛喝但
得一轉疑惑下可恟持海中諸國上幸蒙許朝聘賞
賜市貿惟意所利兼或覘熟開隘方有所逞伊賊僥
覲委應不過出此朝廷之上亦已洞照賊情其言出
於恐恟琉球特以事係聲息且在懸遠勤有司咨問
小邦務要得其的確耳小邦與伊國雖並處海域此
為西北陸連華夏彼為東南極海一方水道相去約
有數千里之外惟對馬島去小邦南邊頗近而五島
一歧等島又在其南皆限隔重溟反覆變詐喜人怒
獸一面竊發作耗一面稱款往來小邦或嚴備以截

侵掠或羈縻以紓邊禍又以動靜虛實難於遠度則
有時以刷還人口等項為名偵探消息以備策應猶
未得其要領近據國人回自海中稱說至彼聽知有
伊國舊首源氏滅亡在數十年前諸首交爭近又有
平秀吉者奪而代之自稱關白頗事戰伐為諸酋長
雄又說島中人多說關白猖狂勢將不久又說對馬
島守宗義調稱病不主務却又訪知宗義調為平義
智所代等因聽此怪訝間有義智稱島主宗義調親
男來到宗平原自異姓却冒謂父子想是義智亦系
秀吉姓親篡國奪島出於一家相助為逆詐稱義調

遣來報警實是恐動之謀伊種陰誦無狀推此可知
臣又參照前項刷還人口金大機等供稱詞節乃上
年六月間在彼聽得則所謂明春擬犯上國正指令
年而却已不驗續據倭僧及對馬島倭平義智來到
哄嚇實在本年五六月而其說入寇時則又却指稱
明年前後伊言張皇變遷類係誕謾意在恐喝惟遂
奸計似益的然至於誇說琉球戰勝小邦一節尤為
虛妄小邦往在麗季大勢倭賊衝斥屠劫先臣國祖
康獻王御戮力鏖戰克捷勦除往往賊船多集海口
無一隻得返自是倭寇頗創戢小邦亦懲於失禦設

備不敢弛怠警急因益衰息兼荷皇靈遠暢海波不
揚邊境少事至嘉靖乙卯有倭船一百餘艘來犯全
羅道達梁等鎮緣是小邦狃安已久戰守兵吏多有
被害然賊亦敗衄殆無得還除此前後或因經過海
島遭風漂到或於島座藏伏竊伺或乘海暗瞭望懈
怠得以寇抄漁戶追截漁船掩襲弓手即彼守禦將
官覺知或擒或遁近數年間又絕無來犯之時既不
交兵安有勝敗乎伐人之國降其人衆雖在一隅傳
聲必大非可誣也設使有之小邦曾不以一介之使
奔告於父母之邦而遽容伊賊逞孽寧有是理乎盜

言狂肆欲黜反瘕豈復計人疑信臣獨痛念自臣祖
先王有國世篤忠順敬畏不負列聖獎與禮義之邦
之稱不敢至于臣身而失墜而况世受殊恩異數優
於內服若臣於聖上之朝則又加焉他不暇殫記如
積久之詬誣得雪已絕之彛倫得叙極嚴之訓典得
改至蒙發秘而頒示此雖輦轂臣子難以得之於天
威之下臣以外藩末裔有顛必遂無復餘願蓋千載
一有天下無二焉耳臣嘗晨夕感泣懸望九霄區區
願忠無可為者報德之期惟有結草不圖倭賊以臣
亦傳海而國認為等夷不復知人獸異心順逆殊性

乃以向導之名歸之言亦醜辱臣何不幸得此於閩
越之間乃至上聞朝廷伏惟天地日月必不以此疑
臣臣亦不敢為此多辨惟切羞憤與伊賊並生於瀕
負之中也所據倭賊臣直見其夸慢無實驟驕必亡
為不足慮者然又思得兇惡將禍天或厚之猛獸將
斃傷人必多伊賊跳梁猖獗不畏天道不顧人理及
其未敗不能安分安知蜂蠆之毒不果一肆於邊徼
之間哉已行邦內沿邊守將嚴謹軍火如遇賊船不
揀犯境過境輒便截殺外為此謹具奏聞

復平壤獻捷奏

宣祖癸巳

大提學柳
成龍製

為仰仗皇威克復平壤飛報捷音事該萬曆二十一年正月初九日陪臣諸道都體察使柳成龍馳啓據諸道都巡察使金命元呈該平安道觀察使李元翼申本月初六日有欽差提督薊遼保定山東等處防海禦倭軍務總管都督同知李如松統率大勢官軍直抵平壤城外部分諸將圍抱本城有倭賊二千餘名登城北牡丹峯建青白旗發喊放砲又有倭賊一萬餘名擺立城上前植鹿角柵子擁楯揚劍勢甚猖獗又有倭賊四五千名建大將旗鳴鼓吹螺巡視城中指揮諸賊本城裏外設險勢難遽攻總兵收軍回

營本日寅夜有倭賊三千餘名啣枚潛出襲都督楊元都督李如栢都指揮張世爵等營被本官等結兵殺退初七日夜有倭賊約八百餘名復斫都督李如栢營又被本官殺退初八日黎明總兵焚香卜日得吉喫飯訖與三營將官分統各該將領官軍人等擺陣於七星舍毬普通門外總兵領親兵二百餘騎往來指揮將士踴躍咸思盡力辰時分諸軍鱗次漸進各樣火器一時齊發聲震天地大野晦冥火箭一枝着密德土窟俄而赤燄亘天延藝殆盡守陣倭賊亂用鉛丸湯水石塊以死拒守又用長槍大刀向外齊

刁森如蝟毛總兵手斬畏恟者一名踰示陣前諸軍
鼓噪薄城負麻牌持矛戟相雜齊進或發射放砲或
仰刺守陴之賊賊不能支吾稍自引退總兵挺身先
登督諸將進入天兵一起與本國官軍入舍毬門一
起入普通門一起登密德東城騎步雲集四面砍殺
衆賊崩潰天兵當陣斬獲首級一千二百八十五顆
內查有賊首平秀忠平鎮信宗逸等二十五人首級
生擒倭賊二名并通事張大膳奪獲馬二千九百八
十五匹得獲倭器四百五十二件救出本國被擄男
婦一千一十五名天兵乘勝縱火悉燒房屋衆賊投

竄被燒死者約一萬餘名臭聞一十餘里餘賊躲入
風月樓小城總兵督運柴草四面堆積仍用火箭飛
射一時焚燒俱成灰燼又有餘賊跳城過江冰陷溺
死者不記其數七星普通牡丹等處諸賊仍據土窟
堅固難拔總兵收兵傳食曰賊以夜遁就遣副總兵
叅將等官李寧祖承訓葛逢夏等領兵埋伏總兵同
楊李張三副將由大路追趕本賊四散遁去被李寧
等伏路邀截斬獲首級三百五十九顆生擒倭賊三
名餘賊棄甲拋戈驚亂遁走岳嶺以西悉底蕩平臣
竊念平壤一府實本國舊都城池險固而兇賊豨突

據為窟穴即因天兵進討一鼓蕩破集獍餘孽逃命
無所本國再造之機實在於此臣與李元翼等督運
各處芻糧進入本城聽候督府調用外緣係捷音事
理為此具啓等因臣據此參詳小邦軍兵脆弱日久
愈削兼且平壤城險未易收復臣日夜憂煎不知死
所欽蒙聖明天地父母曲念先故不以臣失職而加
罪命調南北精兵以拯濟小邦塗炭慮軍擣之乏則
先賜銀兩憂糧草之缺則陸續飛輓士卒暴露於野
驢騾顛損於道以臣之故貽感天朝至於如此臣感
激怔營若無所措竊照王師有征天吏無敵乃於本

年正月初八日壬戌進攻平壤不崇朝而城破除焚
溺斬殺之外餘賊喪魄逃遁其軍威之盛戰勝之速
悉前史所未有臣與大小陪臣初聞捷音不覺涕泣
之交下茲蓋聖天子盛德誕敷神武遠揚而名公贊
謀本兵運籌侍郎宋應昌專心機務指授方畧謀敵
克合用集殊功總兵李如松誓師慷慨義氣動人軍
行所過秋毫無犯臨陣督戰身先列校至於鈐彈擊
馬火毒薰身色不怖而愈厲克城之日祭箕子而先
封其墓恤瘡痍而遍酌陣亡宣布德意慰問孤寡裝
度之平淮西曹彬之下江南無以過此副叅遊擊都

三才補遺 卷之二
司以下各該將領等官闕如虺虎如神助勢至存巨
石滾下而拒之直上者丸入胸膛而鏖殺未已者小
邦將士袖手駭縮莫敢助力於其間徒觀其鐵騎所
蹴飛塵騫野火箭所及赤焰彌天礮觸列柵則決若
吹毛槍刺守陣則捷若飛鷲腥烟漫空流血渾江天
地為之擺裂山淵為之反覆彼賊之烏銳湯石正猶
蟾臂拒輟無敢抵敵臣竊念平壤一城實伊精兵器
械之處臣竭一道之力經年莫_缺而克復之後聞其
設施守備則決非小邦兵力所可攻陷天威一震列
屯望風已成破竹之勢黃海以東不戰自却舊都指

日可復宗社次第汛掃臣思先靈地下之感念遺黎
其蘇之望悲哀喜幸愴悅難雙雖欲報答生成實難
為圖抑臣之所大快者念惟小醜跳梁自大於鱗介
之鄉昧天之威屢肆狂言臣常痛之今者鬼啓其衷
自取天誅其海靛島慄慄然不敢喘息者殆終其
遺育是豈徒雪小邦之羞實亦彰百王之烈矣臣又
聞之有願曲遂天地之大德所懷必達臣子之至情
臣念今兇賊被剿專出王師而於小邦則未始有一
毫創也渠見天將旋師國內孤鼎再逞反噬之兇則
其禍益甚而益難防矣臣恐復勤聖上東顧之憂而

重微臣失禦之罪也伏乞聖慈憐海隅子遺之民終
天朝子惠之仁着令督府量抽江浙砲手五千名仍
付一二將官列屯沿海要害釜山等處若干月一以
教訓小邦軍民一以消戢集境兇謀則臣庶可永仗
天威收拾餘燼以備其後矣臣既復疆土又望善後
極知僭猥衆固難賞而天朝俯卹既有加於內服下
邦控訴敢自外於一家臣益增隕越焉臣一面派撥
人畜督運粮草一面調集兵馬協同王師以圖進取
京城又備減鏡向北之賊臣擬待收復訖即還京城
迎勞官軍仍將前後受恩緣由另行稱謝外緣仰仗

皇威克復平壤飛報捷音事理為此謹具奏聞

大提學李

好問製

陳賊情奏

宣祖甲午

謹奏為賊情事萬曆二十二年三月初八日據陪臣
原任慶尚右兵使成允文馳啓該金海府使白士霖
飛報二月十九日據摠撫府吏金慶虎供稱本府住
賊分據各處時遣兵船往來多以示添兵之狀聲
言等待沈叅將回話以決進退等因本月十一日據
陪臣全羅道防禦使李時言馳啓該助防將張義賢
飛報二月二十五日據走回男子吳景禧供稱上年

文苑補遺

文苑補遺

姜文

十五

十一月內被賊搶去前到日本古水麻地面有一男子寫說俺是許儀後係大明江西道吉安府萬安縣人隆慶四年被搶來此又寫說衆賊候天使信來當於八月中盡行回還等因四月十三日據陪臣慶尚左道兵馬節度使高彥伯馳啓該慶州府尹朴毅長飛報三月十九日申時有林浪浦住賊約一千餘名從彥陽縣行搶避入本府南距二十里地面督同諸將馳進截殺本賊敗北奪還被搶男婦共三百七十七名口牛馬共三十二匹隻等因本月十五日據陪臣慶尚右道水軍節度使元均馳啓三月初五日整

點本道兵船隨同統制使李舜臣等行至固縣地面哨探間忽有天兵二名駕坐小船行使前來內有本國小男子一名就問得說稱俺是本道尚州人丁希順忘記年月內被賊搶去熊川縣屯裏使受本月衆瞭見本國兵船各懷懼怕懇請譚都司寫牌禁諭俺因隨齋牌官軍搭載前來日前聽得衆賊說稱天使差來我們當歛衆渡海若不来當大勢添兵水陸順搶等因本月十六日據陪臣慶尚右道兵馬節度使朴晉馳啓該咸安郡守安沃飛報三月二十六日據走回男子許詠演供稱上年四月內被賊搶去前

到日本國郎古耶地面即賊首平秀吉所住上年八月初三日秀吉回還本國有不知名首倭代領其衆仍令釜山等處留賊六箇月壹換防守等因五月初二日據陪臣慶尚左道兵馬節度使高彦伯馳啓該東萊縣令金中敏飛報四月十五日據彼虜軍人宋昌洗告稱各屯留賊築城蓋房少不休息俱說大明叅將奉皇命來我們一時罷歸等因本月初十日據陪臣諸道都巡察使權慄馳啓該慶尚左道兵馬節度使高彦伯右道兵馬節度使朴晉等飛報節據按伏哨瞭等員役各告右道諸賊於金海巨濟熊川等

處如前分據西搶掠之患此希罕熊川住賊於密陽三郎江上打造房室說稱待候天將出來時將魚酒米豆以饋撥軍左道諸賊自慶州敗還之後亦皆分守各寨歛衆不動等因六月初七日據總兵官劉繼伺候陪臣奎瓚馳啓五月二十三日在府營裏聽得該都司譚宗仁揭報自本月初四日至初七日熊川縣等處住賊開船下洋前五十餘隻後八十餘隻俱向那邊行使行長之衆別無加減等因本月初八日據陪臣諸道都巡察使權慄馳啓該防禦使奎應瑞飛報據降倭時古松若等說稱俱係關白親弟業

柴下軍人留在林浪浦裏聽得開白分付諸首封貢不成備們決不可還以此各屯上官并懷煩惱等因本月二十一日據慶尚道防禦使金應瑞馳啓該彥陽縣監魏得和飛報五月二十八日據走回軍人黃必金供稱萬曆二十一年內被賊搶去前到日本國無應仇地面本年三月內回到郎古耶地面聽得而上官號稱大告司馬來坐本島專管一應兵務以各首於平壤全羅前後失利深懷怪責聚船運糧添調強兵要於本年七月間分作二起一起自濟州直犯全羅一起自慶尚直到京畿東西分掠仍合勢西掠

又該慶州府尹朴毅長飛報五月三十日據降倭山只之等供稱係社郎浦屯倭在本屯時聽得大眾去留決在大明許款與否各屯日望沈叅將回話等因具啓得此竊照賊兵尚在境土但係聲勢緊急緩理宜節續馳奏除已於上年十一月內將六月以後賊情具本順付謝恩陪臣金晬等聞奏外今該前因又是本年正月以後各該守邊陪臣所報走回人供稱及偵探人告說雖詳畧不同虛的難委而既係各報賊情不得不上聞以備朝廷裁處臣謹查上年十一月內欽奉宣諭勅旨節該大兵且撤王今自還國而治

之粹有他變朕不能為王謀也是用預申告誡以古
人卧薪嘗膽之意相勉欽此恩誥丁寧指臣以再生
之道臣不勝感激鏤心銘骨奉以周旋續准遼東都
司將兵部及總督軍門咨批內事理咨會又該陪臣
某等承奉軍門劄付前後惓惓其意皆以勾踐生聚
訓練以為後圖責勵甚悉臣益感益懼因竊伏念臣
之地方雖已殘破萬一兵禍暫息邊境稍靖臣庶幾
奉承明旨殫竭駑鈍收拾餘燼圖補桑榆仰報聖天
子大恩於萬一奈此賊猶壓境上相守經年信然不
已小邦人心日夜洶駭荷擔而立奔命不暇息肩無

期財已竭矣力已殫矣以臣無狀雖欲刻意砥礪粗
效區區其畧無由抑臣又有所憂倭賊自前年晉州
一搶之後分屯營寨聲言等待天朝許款臣慮其詐
巧以淹延時月賊必再肆為恐今經半年未見動靜
若此情形委難料測或以為倭奴求款將沈惟敬
接受降表往來許約且為期日而去都司譚宗仁駐
營戒勿搶掠使待報至賊因此少戢兇鋒又據各處
邊報賊中傳聞之說往往如此今期亦逝矣賊以所
圖不遂恐或蓄憾益深決裂之禍更急於朝夕臣尤
有懼焉往年賊由慶尚道歷忠清左道直犯臣都城

文苑補遺 卷之二
所經訟路千數百里蕭然一空只有榛莽鋒焰所彼
他路皆然獨全羅一帶數十邑粗免焚掠小邦經費
軍餉皆所倚辦賊之垂涎在此今惟無動動則必犯
全羅而出於忠清之右蹂躪未穀公私餘蓄以為食
收西海船艦水陸俱進即無論全羅忠清雖黃海平
安亦將次第瓦解此又今日危迫之勢然也古語云
迫於人者其智深非真計深勢使然也今臣迫於賊
甚矣喪亂以來困心衡慮與國內臣民百分揣摩圖
所以自保者固已無復餘慮矣而以戰以守無一可
為個惶四顧不知所出臣之計可謂窮矣伏惟聖朝

之恩臣至矣臣之受恩於聖朝極矣收臣七路復臣
三都使臣生還故國再延墜緒大造生成萬以加矣
海壖游魂之賊臣猶可以自力勦除不可每煩於聖
朝而疲劣不振一向踴躍望恩無已使聖上東顧之
憂未嘗暫弛於宵旰之中臣之罪至此而尤大矣竊
念赤子無知墮在水火疾痛宛轉惟父母是呼其所
解脫之方則赤子未能自言而在父母所處今臣無
知無異赤子而聖朝之愛臣逾於父母臣安敢以煩
瀆之故而輟其疾痛之呼以自阻於拯濟之仁乎夫
震之以威以創其頽廢之以款以弭其禍斯二者莫

非古帝王禦夷之大權而歸於禁止兇暴曲全生靈因時審勢惟聖朝所擇耳非臣愚之所及也伏願聖明洞察賊情之所在哀臣國勢之已急命下訐謨之地亟以此時從長議處免貽兇賊稔肆之患以紓臣朝夕垂絕之緒不勝幸甚緣係賊情事理為此謹

具奏聞

大提學柳成龍製

戰功奏

宣祖甲午

謹奏為東征將官功績事萬曆二十二年六月十八日據謝恩陪臣金晬等回還啓稱前在京師聽得征倭諸將官以東事未了並未揭功次得此查照先該

本年四月內據議政府狀啓該漢城府判尹洪進平安道觀察使李元翼等各呈都城平壤等處父老軍民等追感天將除兇救死之功相與勸帥爭出錢力治碑而罔畫像以祠願効香火之虔永世不忘等情為照本國得至今日實荷皇靈而亦繫諸大人各有勤勞所據漢城平壤等處父老軍民等至願所同在所聽准合無行令禮官及著詞臣撰出該刻篇章分畀各處相應等因具啓據此除已准行去後今該前因臣竊照臣有國不能守遇賊不能禦以勤聖上東顧之憂非唯不棄絕之而數千里出大兵救臣於水

火之中存臣宗社於丘墟之餘臣仰惟天地父母何
詞可以喻恩何方可以圖報獨區區切感者大將以
下各官上奉明見萬里之神授下遵專制閩外之威
笙蒙風雨而不辭冒鋒刃而不避平壤之捷快絕前
聞餘威所震遂空諸屯賊乃屏於海孺臣得還於故
京而臣二息亦脫虎口其所著見之功於斯為盛彼
曰逋寇尚在小邦之勢未必可保而官軍所莅既建
之績不可沒也臣伏計經畧大臣已具功實上聞非
臣所得贅詳名狀而所懼在於終晦所望在於表白
蓋出臣與邦人銘鏤之懷不容已也否則雖小邦從

事於勒碑肖像而私其再生之惠則有之竊恐各官
立功異域之美無以彰示於天下後世也臣不勝翹
渴之至緣係東征將官功績事理為此謹具奏聞

崔
聖製

陳本國開府經理便否奏

宣祖乙未

欽惟皇上天地父母曲成無方閔小邦之陷溺大兵
再出且憐臣積衰因循不能自振至議勞天朝重臣
代為經理此實生死肉骨之恩而廟筮長遠指論形
勢區畫便宜纖悉備具萬里之遠如在目前真所謂
帝王師出於萬全抑臣方以舉國臣民之命上累皇

朝以求拯濟名雖外藩實同內服事苟有益於成敗
之數臣雖糜粉自效亦所甘心豈敢以勞逸為言推
托為心况賊以剽悍迅突之勢自中久無小邦矣而
乃退王京七道還二子陪臣欽縮釜山三年而不動
者豈小邦之力可以致此實由於皇靈震疊有以懾
服其心而當事之臣又為之馳驚經營一恩一威不
失其宜耳然則小邦得王官經理仗虎豹在山之威
固臣之至願也臣祇奉恩旨且感且懼除將各項事
宜刻意遵行不敢怠緩外所有開府一節事有便否
臣不得不明白陳奏更聽朝廷裁處自古兵燹之後

生聚訓練亦有漸次即善為國者猶必待數十年之
後如臣者又何望哉小邦舊有三都之踰漢城開城
平壤是也在平時人民稍盛倉廩稍實若有官府模
樣不與他小邑等自經賊變無處不被其毒而三城
賊所久屯殘破尤甚距城數百里之內蕩為灰燼之
墟今臣所居漢城亦荆棘未除庶司官僚依牆壁為
生資并斗為食遺民之還集者百不二三瘡痍溢目
呻吟未絕其他又可知也往時經畧宋應昌渡江前
來經理小邦初駐義州又駐定州至安州而止誠以
平壤新創於兵不堪住劄故耳賊退以後雖過二三

年而征役不息行齋居送沿道民力之困一年甚似
一年天朝官府事體尊重府屬統轄繫關體貌者不
容減損以小邦今日創殘之力實難成形至於巡撫
衙門之外又有布政衙門又有分署各處為之長帥
不止於數十員各有帶率儻從隨處創設官司事端
宏大民心必驚建置多方物力先竭誠恐供頓不辦
應給難便以重小邦之罪也臣謹查高麗時元朝有
事日本議於本國設征東行省終以地遠民愚語音
不通事多妨碍竟未得行此乃小邦故事也凡事在
於審始始之不審而終至中廢則所損多矣臣既蒙

聖旨許令計議奏報故敢此陳達臣又竊自念臣之
今日國勢萬分危迫固無可為然區區之意只欲上
憑皇靈為之依歸下以收拾遺民不至離散庶幾絲
殘補敗以冀後圖古所謂善敗不亡是臣所望以此
雖知城池器械積餉鍊兵許多旬當為戰守大務不
容少緩而猶且旋旋然不敢急之者誠恐民力有所
不堪而或至於內潰也既憂其外又憂其內臣之用
心亦已苦矣非皇上愛臣之深憂臣之至臣亦安敢
以此等事情悉陳於天聽哉且戰守長策閣部之本
備矣無容更贅然其小邦形勢所在則亦未得而言

也小邦八道中全羅慶尚二道最為關重蓋慶尚門戶而全羅府藏也無慶尚則無全羅無全羅則雖有他道小邦終無所資以為根本之計斯乃賊所必爭而我所必守之地唐時以江淮財賦所出而睢陽為江淮保障故巡遠以死守之天下之事雖不可擬論於小邦而事勢則有相類者故今日小邦之安危實係於全慶之保守與否不可不察也又以海道言之賊若據全羅則遠而西海一帶近而玆島濟州皆為窟穴賊船縱橫海上無所不通風便一二日可抵鴨綠則開城平壤亦不足為固往在壬辰賊兵陸抵平

壤又水兵數萬犯全羅將繞出西海適小邦舟師扼於閑山島前洋幸而得捷賊遂敗退不敢兼水陸之勢大肆狂逞至今思之可為寒心而賊之兇狡未嘗一日忘此計也此又全慶措置不可不急之大畧也大抵賊兵今方分據慶尚左右道而釜山西生浦為之巢穴對馬釜山之間海洋數百里為其糧道若於慶尚要害去處擇形設險屯重兵積糧餉以為不可拔之勢時以輕兵日夜攻勦從陸地以感其勢而又以利艦銳卒出沒海上邀截其後使賊進無所掠退有所懼首尾不得相救則庶幾有濟特患小邦兵力

單弱糧資又竭自保不暇不能以圖敵耳至於屯田
乏食小邦亦嘗經營只緣民生多遺而賊兵未退調
發方急丁壯出戍於邊老弱轉餉於內餘民自治其
私力未及公加以牛隻缺少農資又乏不能大設生
穀今蒙自天朝經理固為萬幸若其屯田處所則小
邦土地燒確林藪山澤居十之六七無平原沃野可
收大利就其中而言之則慶尚下道寂為饒肥地宜
五穀全羅道南原等處與慶尚道等平安道肅川安
州之間黃海道鳳山黃州沿海地方并有可耕田土
決渠灌溉亦頗宜稍論其土品終不如南方耳今天

兵已出憂在兵食脫或相持事不時定則糧餉一事
寂難為計臣日夜思惟不知所出若山東海糧得登
時接濟以補今年之急則相險易之勢定屯守之所
開原隰之利廣樹蓄之源以立長遠之規又是今年
以後事在統兵諸官經紀如何而臣亦安敢不倡率
臣民竭力奔走稟承籌畫以相先後於其間我伏望
皇上命下該部再容商量察小邦今日事情凡所建
設雖在可行姑且因勢乘便量力為之其所不能者
不強使為如督撫等官仍住遼東近邊地方而於小
邦之事道里不遠利病相悉之可指揮經理則其開

文苑補遺 卷之二
府設鎮大段創建少宜持循使小邦之民稍存餘力
得以專事於目前之役以供天兵更觀前頭事勢別
求進止則小邦尤荷陶鎔萬萬難言譬如用藥治病
本求活人審察元氣之如何以議藥力之行否方是
善醫病今臣國事正類於是惟其如是故不敢以踈
遠自處煩瀆為懼仰布腹心以冀天日之照察焉臣
受恩深厚報效無路為此謹具奏聞
大提學柳 成龍製

請封世子奏

宣祖乙未

謹奏為懇乞聖明特降恩命早封世子以定國本事
該萬曆二十三年三月十五日奏請陪臣尹根壽等

齋捧到勅諭節該先該經畧官題稱光海君青年英
發臣民服從宜令其選帶忠義陪臣駐劄全慶地方
經理防禦該部議覆請給專勅以便責成今特命爾
總督全慶軍務積儲錢糧誦名壯勇一應設險置器
鍊兵守要俱許以便宜區處仍督率陪臣權慄盡心
協理爾宜奮身苦志幹盡圖存內起瘡痍外修戰備
博舉萬全之策永為善後之圖固我藩籬寧爾宗社
俟有成功另議優處等因欽此除欽遵外又准禮部
咨節該着得世子之立允以嗣統而承祧也我國朝
稽古定制其於立嫡立長之義尤甚重焉一切宗親

以及藩國鮮不由之者非直以名分攸關不容假借
誠謂不如是則啓爭端而階禍亂非細故耳朝鮮向
奉正朔累代傳襲俱以嫡長請封蓋其秉禮不踰真
有聖朝正名之遺化焉遭國多難請立世子以繫人
心即其自為宗社計者未為不可但宜分別長幼以
之名彌迺遽以第二子瑁請封倫序之謂何若謂邦
家未靖繼體急於擇賢此亦一時變通之說非亘古
經常之道及查陳請疏中曾未開載長子有何失德
不堪托付而所稱第二子性頗聰敏繫屬人心又未
委其虛實臣等反覆思惟朝鮮雖係藩國業已請命

天朝自當律以天朝繼統大義名器匪輕似難濫畀
伏候命下容臣等移咨該國俾知長幼之分毫不可
僭差以後陳請務遵典章不得踰制倘復念其播越
之餘軍機國事統馭需人則先海君瑁先經督撫奏
議已奉欽依容令總督全慶軍務令或仍賜全勅一
道稍假便宜俾得一意節制事權不分俟彼國寧謐
果有戡亂奇勳不妨另議優處其封典未宜輕畀則
倫紀不紊而機務亦不虛矣等因萬曆二十二年十
二月初二日本部尚書兼翰林院學士范等具題奉
聖旨朝鮮王請立世子徐都裏既這等說未可輕許

文苑叢書 卷之二
二
可便行文與他知道欽此欽遵擬合就行為此合咨
前去等因准此行間隨據議政府狀啓該耆老陪臣
原任同知中樞府事宋贊等呈竊照光海君賢明好
學一國臣民素所屬望曩因倭禍孔棘本國已經咨
請遼東都司轉奏天朝權署國事令於伊川成川等
處號召散亡捍禦寇賊繼又欽蒙聖旨前往全慶地
方經理防禦並皆茂著殊功群情愛戴而今次奏請
冊封未蒙天朝准許雖皇勅丁寧許以俟有成功另
議優處而但念監撫之功前已著稱臣民之望一日
為急兼且臨海君肆久陷賊中驚憂成疾益難承器

伏乞劃即啓奪再行轉奏早定名號以繫人心便益
等因情得此為照儲貳之位雖平時亦宜早定監撫
之重在今日尤急正名即目賊據邊庭事益艱虞先
長先功視國治亂合無備將耆老陪臣宋贊等原呈
事情另行具本再奏天朝懇乞特降恩命早定國本
以繫人心相應等因具啓據此臣竊念自臣祖先世
受天朝寵渥保有藩封而及至臣身存亡救亂之恩
又復超越前古臣雖遠在海隅不敢自比於外國豈
有踰越天朝典章以負尋常感刻之心者哉乃者臣
請封第二子瑋具本上奏此臣遭罹變故不得已之

舉而蒼黃之際徒知建嗣之當急而不復詳陳曲折
不覺自陷於踰制之衆而欽蒙聖上曲加寬宥雖不
准臣所奏特賜專勅于賤息獎勵丁寧許以俟有成
功另議優處臣與賤息相對感涕不知所言即今欽
遵明旨竭力奉行無敢失墜外仍照臣素無嫡子而
庶子中第一子肆本不堪負荷民情所屬咸在於
兵亂之初臣分遣諸子誦名各路軍民肆不幸陷於
賊中受任無效今雖得還驚憂喪心理雖在播越好
學不怠且善經理多有前後撫禦之勞倘蒙定其名
誦憑藉寵靈則庶可以承當機務免貽臣憂理既欽

承勅諭待有成功則優處之典不患不及而第念小
邦自被寇禍迄今四載人情洶駭尚未底定幹蠱馭
衆須定名誦鎮撫之策一日為急前項耆老陪臣宋
贊等原呈事理實係小邦軍民情願伏乞聖明俯垂
鑒察特降恩命早賜冊封以重監撫之寄以慰臣民
之心不勝幸甚緣係懇乞聖明特降恩命早封世子
以定國本事理為此謹具奏聞大提學李好問製

冊使渡海消息奏

宣祖丙申

為冊使渡海消息事本年六月二十日據查勘撤回
倭營陪臣黃慎狀啓本月十二日有倭首平調信向

本國通事李彥瑞說稱楊老爺當於本月二十日前
過海今日俺將見楊老爺稟定的期俺當仍留本處
待你國通信陪臣一同過海聽此臣即差通事金吉
孫進往正府衙門訪問得有常管家說稱昨日三更
時分行長進見老爺力請過海老爺回說我須待你
們盡撤燒營一倭不留然後方可過海今則決不可
前進行長說稱關白令我們奉請老爺甚勤而老爺
之如此我們三四年往來周旋之功盡歸虛地且數
年供給天朝將士費了許多錢糧關白若聞老爺不
肯渡海則我必死於此大緊事勢須當快去今已

整點船隻聽候分付老爺回說事體若完我雖乘船
子亦可前去你們須先撤各營燒毀柵房然後來請
我當即發行長說稱關白之意欲先請老爺過海各
營隨後撤回而今承老爺台旨當俟事體停當更來
稟知本日有平調信亦懇請過海老爺峻推不許等
因本日又據本官狀啓本月十三日有遊擊陳跟隨
通事柳弼祥向臣說稱本日有倭首平調信向本府
說稱關白分付行長令速請楊老爺過海而有楊老
爺不許我們深以為憫本府回說誥勅章服時未來
到來到即當前進調信說稱關白已預備一路供億

以待冊使行李不可不速去本府回說俺亦奉朝廷
明命來查你們去留待俺燒撤各營然後楊老爺方
可過海你們若欲速請楊老爺過海須急撤各營兵
燒毀柵房俺當一邊咨會朝鮮國王使之上本俺亦
一邊上本急請誥勅如是則雖明日發去何妨調信
說稱閔白既令快來我們不敢違越諸營俟楊老爺
到彼必定盡撤我們不敢虛妄說話望貴府力勸楊
老爺過海等因又該本日據本官狀啓本月十三日
有林通事向本國通事金吉孫說稱楊老爺當於本
月十六日過海吉孫聽此仍向姚相公探問得有姚

相公回說日期時未定了但老爺到對馬島則各營
倭衆當盡撤過海有陳遊擊李中軍沈千總俱在這
裏管燒營勾當若事定則李中軍隨向日本陳遊擊
回還北京唯沈千總留在此處臣着得正府衙門各
該員役俱已收拾行李將為過海之計等因又該本
月二十一日據本官狀啓本月十三日初更臣令通
事金吉孫進往正府根前稟稱外間皆說老爺不俟
各營撤回於十五六日間當過海云陪臣莫曉曲折
令小的前來稟問有正使回說沈有府又請我快來
須我快去似可速完大事各營撤回昨日陳遊擊與

調信等已為面證必無不撤之理我當到對馬島以
待誥勅章服及該撤倭衆來到方可前進天朝人往
來者每說兵馬出來兵部劄付亦言事體不好則當
一面調兵伊每因此懼怕請我速渡本日有倭首平
調信令通事倭要時羅向臣說稱俺初欲陪楊老爺
過海今日蒙行長分付留待貴國通信使臣使臣若
果來則我雖留十箇日子亦可等待若不果來則我
當明日發回又說稱調信說道昨見閔白書朝鮮通
信使臣尚無的確消息須急請楊冊使入來朝鮮通
信使臣若不肯來不須強請但當再遣清正兵以決

勝負又說稱天使過海而四營未撤竊想朝鮮過為
疑慮然萬無他虞楊老爺過海報到閔白當即令撤
回只留釜山管若干人衆以待冊使回還然後盡撤
等因又該本月二十三日據本官狀啓本月十五日
有倭首平調信令通事倭要時羅向臣說稱楊老爺
前去對馬島郎古耶等處暫留六七箇日以待誥勅
章服來到即行前進七月內當進到日本國鄰通信
使臣若於來月初十日前來到則可得跟去若過初
十日則俺不得留待矣等因又該本日據本官狀啓
十五日初更有正府帶一行各該負役坐船下洋倭

首平行長法印右衛門等各坐船陪行大約船數一百二十餘隻於甘安里海嘴留泊經夜十六日平明掛帆向對馬島去訖等因又該本月據正使伺候陪臣李恒福狀啓本月十六日午時梁山郡守金克裕東萊縣令李惟誠等連名狀報據體探軍官鄭之成文時講等告稱有冊封正使於本月十五日戌時坐船移泊加麻里海嘴十六日平明順風渡海去訖仍體訪得李冊使標下將官以下負役及俞相公俱皆隨去姚相公還向北京等因具啓臣據此查照先該上年正月內准兵部咨節該今特專官傳檄該國君

臣務宜誠心仰體聖明字小之仁責差的當陪臣前到釜山親會行長諭以天朝恩威兩相修好不念舊惡俟彼釜倭盡歸柵房燒燬之日遵旨據實奏報以便冊使渡江往封等因准此即選差陪臣司贍寺正黃慎跟同欽差宣諭遊擊將軍沈惟敬前往熊川平行長管裏查勘各處撤回倭營去後隨節據本官馳啓自本年七月以後有左道西生浦等五營右道德橋等七營節次撤回過海臣已經具本差陪臣戶曹叅判具宓吏曹判書盧稷等賫奏去後今該小邦沿海列屯之賊次第撤回而唯釜山等四營尚留本處

即目副使沈惟敬未及回還天朝補給誥勅亦未及
來到而平行長平調信等懇請正使不意過海其間
事情有難料度而時無別項聲息但伊雜說正使渡
海即撤四營之衆又說等待通信陪臣一同過海其
說自来變遷不可憑信其言留下釜山若干倭子以
待冊使回還者尤係叵測臣仍照通信一節小邦與
日本原非偶然讎怨豈有遽相通好之理哉臣已經
備奏天聰而冊使乃以跟隨行李為言既曰跟隨則
正使既已過海必須快去方可追及而伊之所求實
在通信恐此跟隨二字不能塞伊所望而果為盡撤

四營之地臣不勝憂慮緣係冊使渡海消息事理為

此謹具奏聞

大提學李
好閔製

請兵糧奏

宣祖丙申

謹奏為飛報緊急消息仍懇乞聖明特命該部亟調
兵糧相機征勦事該萬曆二十四年四月初八日未
時有撫院委官吳宗道寫說據慶尚道密陽府駐劄
管撥委官吳邦彥報稱本月初四日五更時分有王
中軍跟伴闖出釜山說稱李冊使帶領家丁二更時
分走出釜山去了倭子將釜山門堵了有楊副使按
院承差并甯國胤俱堵在營等因續該本日戌時據

文苑補遺

別編卷二

奏文

三十一

陪臣慶尚等道都體察使李元翼馳啓該正使伺候
陪臣金晬報說本月初四日酉時有正使跟隨通事
南好正自釜山走到慶州府向卑職說稱有冊封正
使本月初四日曉頭自釜山出營各該將官軍丁人
等俱留在營等因又該本月十三日辰時准欽差冊
封日本副使五軍營右副將左軍都督府署都督僉
事楊方亨咨該為欽奉聖諭事邇來釜營倭情諒貴
國得之偵探者必悉頃正使誤為浮言感動於四月
初三日夜而去倭將沙古鴈門等即行追請本府恐
倭衆深入貴境致生他患即令通事林小鳥傳諭倭

將義智等追倭沙古鴈門等撤回此倭衆聞金印收
在俱已心安但本府着得正使以貴戚元勳御命而
來遠邇快靚旌旄所指山岳震搖誠舉動關係不細
也一朝颺然而往道路播傳必駭聽聞即貴國亦未
必不以正使之出必有由見非無故漫行也訛以傳
訛彼此驚疑釁端開矣何以襄此封典何以保安貴
國哉本府身在營中雖未深諳倭情至於未有變動
人人目覩合咨貴國當審思熟慮遠偵密探毋為訛
言所惑輕率舉動致壞大事如倭奴果有變動是當
另咨為此合行咨會煩為查照施行等因又該本日

三才補遺 卷之二 三十一
據議政府狀啓本月十三日辰時接得欽差冊封副使跟隨通事朴義儉稟帖節該本月初四日卯時據本國跟從撥軍告稱有正使寅夜潛出俺即進副使下處稟知間有倭首平義智亦來伺候聽知副使晏然不動即向伊管下人等說稱好好有沙古鴈門及飛浪島等帶三百倭子方行追趕副使向義智說稱追趕不及徒為擾亂我自處置得宜且勿驚動義智聽從即令勿追副使即將正使管家潞禮永及管下相公厨子并將官選鋒等四百餘員名皆慰撫安下各皆感泣副使仍向小的說稱你國必定驚動騷擾

或妄興兵馬你將此意傳報伺候陪臣使之啓知國王慎勿驚動翌日副使到正使衙門將金印捧還下處倭子等感激說稱印信在此揚副使猶在我們復何所慮等因又該本日午時據陪臣慶尚左道兵馬節度使高彦伯馳啓本月初四日酉時聽知冊封正使出離釜山就差軍官文洗輝等軍往本處探訪的確消息去後本月初九日丑時回據本人等報稱俺等蒙差本月初五日辰時進入釜山營裏訪得本月初三日夜間正使以微服出營跟隨員役亦皆漫散出來仍被倭人赶上攔截過半回營有副使向衆倭

說稱我們到此淹留已經累箇月子你等尚未撤回
因此正使大怒徑自出去想今必在南原等地你等
如是速撤正使當復還來等因又該本官馳啓據慶
州府尹朴毅長飛報該奴各站按伏將鄭太佑等告
稱本月初八日申時有冊封正使帶領管下相公家
丁等負役四人行到本站等因又該本日申時據陪
臣京畿觀察使柳根馳啓本日辰時據砥平縣監李
大遂飛報接得冊封正使牌文正使於本月初九日
曉頭自慶州府起身經由竹嶺等路回來等因得此
臣已經備將前因節次移咨遼東都指揮使司以憑

轉報總督巡撫鎮守等各該衙門去訖又該本月十
五日酉時據冊封日本正使伺候陪臣金晬狀啓本
月十四日午時於京畿砥平縣迎候正使行李十五
日申時來到東城門外安下等因又該本月十六日
申時准遼東都指揮使司咨蒙欽差總督薊遼保定
等處軍務兼理糧餉經畧禦倭都察院右都御史兼
兵部右侍郎孫憲牌近該本部院題議釜倭尚未盡
退恐有變動臨期難以應猝查前兵部原題各鎮接
兵又議添遼東共合三萬三千之數俱用馬兵各選
委叅遊官統領訓練遇有倭警聽候調遣等因除具

文苑補遺 別編卷二 三十一
題外為照前項兵馬調援朝鮮其每日契用糧草應於彼國備辦相應預行查處免致臨期有悞擬合就行為此牌仰該官吏照牌事理即便備去移咨朝鮮國王速行該國陪臣預備糧草務足三萬三千兵馬半年支用即今見要見某館見貯糧若干草若干可供前項兵馬幾箇月支用如或不乏作何設處仍俟夏秋之間多方採取秋青草束以備冬間馬匹食用不致臨期有悞該司差人守取該國各館見備糧草各數目冊報備照仍行令該國遵照節奉明旨揀選水陸官兵時加訓練遇有倭警即行防禦待天兵到

日互為犄角以取全勝不得全仰天朝俱無違錯未便蒙此備去移咨等因得此查照先該本年三月內臣備查德橋等營倭兵撤回過海頭毛等營倭首郝住設備等緣由及冊封正副二使節次進臨倭營遊擊沈惟敬咨要跟隨陪臣并平行長玄蘇等與沈惟敬先行過海等情已經具本前差陪臣戶曹叅判具寔星夜賫奏去後今該前因臣竊照自遊擊沈惟敬宣諭之後各屯倭兵果有節次撤回之形焚燒營柵者已足九處及冊使進臨釜山則皇靈所至事當尤易完結而遷延換歲尚無了期臣固意前頭必有難

處之事而緣沈惟敬渡海未還姑且等候回話今又
正使出營臣未委的有何故而其必有的見於倭情
則禍固垂迫雖無之伊素兇狡必執此為言則總之
再逞無疑雖副使奉誥勅在彼處置得宜而萬未萬
保其封事之必成即天朝必容伊侮慢之罪而臣先
與受其敗矣臣非不欲殫心竭力先事隄防毋再貽
聖朝之憂而殘敗之餘與賊相守迄茲五年兵羸糧
匱雖汲汲訓練經理而用之自衛自活而不足更何
有餘力可以抵當大勢也前此奏乞再賜兵糧而以
不可與封事並舉之故未蒙允許乃今封事難必其

全則臣何敢畏罪若能可以自救者而不預告於皇
上哉今准遼東都指揮使司咨總督軍門於各鎮援
兵外又議添遼東兵馬共合三萬三千之數聽候調
遣仍令小邦預辦該支半年糧草以小邦所蓄計該
兵支用則雖三萬三千之數決難供給而實欲勦滅
各屯則又非三萬三千所能為也且復破此賊非得
浙兵不可設令并得遼浙精銳而滿十萬之衆非師
行糧從小邦又無以供頓糧從而僅以資行不可以
資住則奈賊乘船下洋兵還更至何必由海缺者
扼其前由陸者撞其後始得勦滅無遺而由海然後

又可得餽運之便矣臣之此言誠未免全仰天朝罪
當萬死而自念力敵所尤難者糧餉誠以不如是則
臣無以究被皇恩而終之必亡皇朝亦無以畢拯濟
之仁而申膺懲之義伏惟聖明憐察焉臣有國不能
自存違禍不得造死前後瀆擾天聰恩未謝而罪又
積不勝隕越屏營之至緣係飛報緊急消息仍懇乞
聖明特命該部亟調兵糧相機征勦事理為此謹具
奏聞

大提學李
好閔製

賊情告急奏

宣祖丁酉

為賊勢猖獗禍迫朝夕懇乞聖明俯察小邦危急事

情特賜裁處事已經備查移咨軍門撫院衙門及遼
東都司順付撥馬星夜馳報外今該前因臣竊照臣
伏蒙天朝至恩為小邦慮無所不至至遣冊使渡海
錫之以封典申之以約束使盡撤釜山等四營聖諭
丁寧昭如日星總之欲少戡兇鋒以紓小邦亦遵奉
兵部題奉欽依事理即差遣陪臣追隨冊使前去不
期倭情變詐陽若恭順陰肆把握冊使纜及過海清
正已頗許多兵衆乘風直渡分據機張蔚山等地舊
壘修設營柵仍將小邦守土之官盡行驅逐勸誘本
地人民安插不動又有賊船出沒於東邊海洋而追

來者連絡不絕即據陪臣權慄馳啓倭賊托稱押圍
散漫行走於晉州等處地方又來探豆耻津直路是
其左右道諸賊將要分搶慶尚全羅等路無疑臣久
與此賊相持備諳情狀詐降乞和解我軍情仍行衝
突四出乃其常態即目兇謀已逞天朝約束已不能
行而小邦之力又無以支吾臣誠恐馳奏待報之間
全慶地方已為賊有而事不可為矣臣伏奉聖旨釜
山餘兵尚未盡撤既非原議而兩國之疑終未盡釋
爾部裏便行文與日本國著他撤還釜兵以全大信
又行文與朝鮮國王着他即差陪臣通問以修交好

無致彼此再生嫌隙此實天朝一視同仁浩蕩之恩
再欲為小邦解紛息兵以圖全安臣誠感激敢不遵
奉施行但今賊勢猖獗如此不但釜山餘兵未撤而
已也臣竊恐此賊情狀尚未盡徹天日之明也臣仍
照當初兵部題奉聖旨事意則日本之謝恩人船隨
冊使俱到對馬島候旨進京今者冊使已回而日本
謝恩之使未見隨到竊表文追至中路順付冊使而
來此豈外國敬事天朝之體哉賊情悖逆此又可見
况小西飛約誓三事一倭不留釜山勿侵犯朝鮮等
語勅諭嚴切四海萬邦皆共聽聞而今勿論釜倭猶

在新兵方且侵犯不已小邦之勢迫於燃眉其兇謀
狡計未必不在於遠交近攻之術而將來之禍不但
在於小邦此臣之所以日夜痛心而不知攸濟者也
噫天朝錫封是曠世盛典而彼其得之猶且不以為
榮陪臣職秩之高下何足為伊之所屑雖遣陪臣亦
恐無益於事而益褻天威蓋本賊實海外兇毒別種
跳梁自大極其僭逆不復知有君臣父子之禮逆首
秀吉又其尤稱桀驁弒君篡位遂懷非望蓄謀積年
發兵傾國其志豈在於但得封典今乃不遵天朝約
束再出大衆敢行侵伐許儀後所謂先取高麗以窺

中原之說至此而益驗矣其兇悖逆天之心斷不以
小邦陪臣之遣不遣而有所前却何可信彼詐缺謂
果聽皇命處分而不早為之所哉今日吞併明日必
為天下患其勢有必至者存小邦安天下決於此時
失今不圖後無所及若伊情果順所要者只在小邦
禮文則小邦受兵六年財力窮竭何苦過為張皇好
誣聖朝而取不戢自焚之禍哉臣仍竊惟念臣以微
弱之國不幸而與此賊為隣橫被酷禍而猶區區守
尺寸之節守而不撓者只欲憑仗皇靈收拾餘燼以
報鴻恩之萬一而即今事勢大變人情疑懼日本恭

順之狀日聞於朝廷小邦沾危之形未徹於天聽臣
俯仰天地計無所出懇乞聖慈矜念小邦朝夕為賊
所滅將臣先後陳奏事情特賜裁處終始拯濟不勝
幸甚臣無任拊膺痛切之至

大提學李好閔製

請留經理楊鎬奏

宣祖茂茂

謹奏為大兵既集撫臣被衆群情疑惑事機將失懇
乞聖明洞察實狀亟回乾斷策勵鎮定以畢征討事
竊照臣以覆亡禍敗之極無復有自為之勢欽蒙皇
上天地父母曲察小邦危亡之勢洞燭倭奴兇狡之
狀發兵增餉皆出睿斷終始七年再勤盛舉優恩異

渥曠超千古絲絲扶植以至於今皇威赫然天下顛
倒群臣震懼奔走效勞蓋嘗一捷於稷山而京城全
再感於青山而湖甸完三蹙於島山而賊已褫魄矣
自今大兵齊集聲勢甚壯布置已定師期指日蓄銳
待發臣感激洪造傾戴豐功方與一國臣民竭力拮
据供給資糧佇者摧殲廓清之舉不意今者京報忽
傳軍中喧播撫臣楊鎬杜門省愆上本辭職今將擢
棄事務促裝西還臣始而疑中而訝終乃大駭且惋
且憫如橫舟巨海震風駭浪之中篙師忽去愍然以
待死亡之無時也疏中所論臣不得詳臣不敢辨聖

文苑補遺

卷二 奏文

四十一

鑑孔昭明見萬里是非虛實輕重利害固已洞燭而無餘臣不敢有所煩顛第據其流聞則多是情外不近之說亦有稱鮮人所言而通國之未曾知者無乃出於傳者之謬耶伏見撫臣經理楊鎬自膺簡命銳意東事與督臣邢玠按臣陳效協贊謀猷殫竭思慮其一心討賊盡瘁圖報是素所蓄積而勇往直前不避險難當機刃發遇勢風生最其長處也且莅位遠道經歷多年諳委本國殘破之狀痛懲棍徒科擾之弊約已甚簡冰蘖自飭束下甚嚴秋毫無犯法令峻切群下畏戢各營官兵一聞其令無不股慄相戒搖

手不敢為非是則小邦之人雖三尺童子皆所歎服而上年秋兇賊狂鋒已迫漢南小邦鄰民舉皆驚潰鳥散魚駭莫保朝夕楊鎬時在平壤一間急報便於即日單車疾馳冒入危城慰諭餘氓申飭將士使鄰人坐賴賊情畏沮遂却賊於談笑指揮之間此蓋人所難為而小邦之得有今日皆其力也至於島山之役則被堅執銳深蹂或馬之地暴露虎穴過十三晝夜約束彌令為士卒倡提督麻貴副將李如梅亦皆督率諸將冒死上陣焚燒內外砦柵斬獲千餘首級鎬則晝夜督戰唇焦面黑賊首清正窮蹙自囚圍困

文苑補遺 卷之二
一穴渴餒幾斃是蓋曠世之奇功而不幸天雨急寒
士卒凍傷露師多日軍容漸疲兇援外添賊備內固
將有腹背受敵之患楊鎬密察事機宣令左次仍將
遺下糧餉盡行焚燒身自為殿賊不敢踰此則不特
天朝將士所共目見小邦邊臣皆懷感歎傳誦以為
盛事只恨天不助順賊反乘便孤圍未拔巨魁逋誅
其謂之未能全勝則猶之可也謂之喪帥則千萬不
然然其兇賊膽破邊民增氣是其一戰之功未必非
再造之基而其所勦實狀則或薄城先登或羸師誘
賊或選銳按伏或分兵控扼或邀截賊援或孤守海

路某軍勇往某軍逗遛某營先道某營殿後某將傷
於九某將死於刃及功勞多少人馬死亡之數則當
時領兵陪臣權慄以下諸將領各營跟隨陪臣李德
馨以下諸人各自飛報無不相符文報昭然俱在可
以一一就驗天日在上豈敢有虛萬目共覩豈敢有
私臣於其時即將經理及諸將勞績具奏上聞以謝
天恩而被揚鎬力止而寢臣常以是為歎曾不料今
日之論至此紛紛也若其情外不近之說尤不足多
辨而當事之臣易招人議功罪之間難適衆情自古
皆然何足深怪第水陸大兵已贖京城發運錢糧亦

過累十萬鎊方晝夜規畫料理事務凡小邦道里遠
近山川險易及賊情虛實敵勢堅脆無不磨礱商度
筮定於胸中提督麻貴親領大軍今方駐劄於慶尚
地方簡閱器械修繕營柵以待可乘之便近據邊臣
之報兇賊自島山之困死傷既多挫衄大甚一見天
兵甚有懼之狀已添調大勢新兵將以七月渡海
進搶此正先發制人之秋也小邦存亡決於此舉而
流言一播軍情煽動或言經理有罪或言提督亦還
或言大兵將撤或言和事已講自相簧鼓洵洵不定
銳者喪而懈強者疑而阻徘徊銷縮坐失事機使九

仞之功虧於一簣豈不痛惋仍念此賊屯據海上于
今七年其以講好之說謾我天朝者凡幾遭矣一邊
通款一邊廝殺者又未知其幾遭矣天朝之與小邦
為其所賣者亦已多矣即今姦計無不敗露而使軍
機差誤邦命漸盡者皆其祟也此則愚夫愚婦亦知
其詐曾謂鎬之身擔東事而不料此耶去二月時分
清正差倭奴一名與彼擄人一名彼稱奉書於提督
行至竹山經理即將倭奴交付於吳副將仍拿治兩
邊防守將領又於四月間行長又遣朱元禮要時羅
陽為款之辭潛遣緩兵之計藏兇稔惡探我虛實

文獻備考 卷之二
以待新兵之到此乃伊賊故態經理洞見此狀拘繫
其使不發其書將欲愚以秘筮服以兵威抑揚操縱
使賊莫測端倪臨機行計務出萬全小邦之人方歎
服之不暇今若執此而謂之講和則豈不冤乎臣又
查此賊東自慶尚道之蔚山島山西至全羅道之順
天倭橋連營列屯首尾九百餘里出入島嶼建築砦
柵其小柵則不記其數而大屯之可指者通共有二
十餘區今方添兵添糧舸艦蔽海苫蓋房屋大起農
功以為久住之計則此賊兇謀固非但已而衆之多
寡盛衰據此可知今乃云倭衆本小而張皇馳報要

減已發之兵糧以沮垂成之機會縱臣無狀以為自
為之地天朝大官來此者凡幾人乎其皆黨護於臣
以罔朝廷哉此則不難辨也茲者大局將結已到八
九分地頭七年經營之功政在今日而一場說話竟
壞此事主張無人萬事瓦解中外遑遑駭目相視人
心驚洩氣象愁慘若使兇賊詎知此情則必抵掌而
起酌酒相慶此正伊賊日夜窺伺希冀而不可得者
萬一乘此軍情之搖動或潛師猝襲或大舉長驅彼
亦何憚而不為哉言之至此氣塞膽裂小邦不祿天
不見佑種種潰裂將成覆敗即臣之滅亡有不暇計

而竊恐天下大計自此去矣楊鎬既奉皇命經理小邦小邦存亡成敗俱係於此苟其所為或有如參奏中所云則是不但負聖明又將以壞小邦臣當上念聖明下顧小邦尚何愛於楊鎬而乃敢曲為煩辨為揚鎬遊說自速滅亡之禍以陷欺罔之誅哉臣雖無似決不至此盈篋之書發於奏功之先則中山之捷不可期也惟西之議苟非唐宗之獨斷則裴度之師幾乎中止惟願聖明洞察事機推誠勿疑亟留楊鎬以鎮群心以濟大事小邦幸甚天下幸甚臣無任瞻天望聖懇迫兢惶之至謹昧死以聞為此謹具奏聞

大提學李廷龜製

主事丁應泰參論本國辨誣奏

宣祖戊戌

謹奏為奉職無狀橫被惡名席藁待命無地自容懇乞聖明早加刑章以謝人言仍賜諒察以雪冤痛事臣竊照臣之於君猶子之於父子雖得罪於父猶當盡其誠孝開陳情意固不可疑懼蔽隔自阻於慈愛之天臣待罪藩邦遭遇聖明過蒙生成涵育之澤有呼必應無顧不遂優恩異渥視同內服慰諭警飭如父誨子安敢以踈遠自外煩瀆為嫌而不盡所懷於君父之前乎况疾痛之極必呼父母人之情也今臣

文苑補遺

別編卷二

奏文

四十八

文苑補遺 別錄卷二
四十一
冤悶不啻疾痛矣臣請大聲長呼一言而死日者贊
畫主事丁應泰以築城一事構臣以不測之語臣驚
惶痛迫已經具本哀籲去訖方西望雪涕怵惕俟命
繼而見本官第三疏誣捏小邦極其狼藉加臣惡名
無所不至一則曰誘倭入犯一則曰愚弄天朝一則
曰招倭復地一則曰交通倭賊或以為結黨揚鑄朋
欺天子或以為劄憤求援移禍天朝嗚呼其亦慘矣
是果人臣所忍言所忍聞者乎臣讀之未終心腸墜
裂跼天踏地固知所措人臣有一於此萬死猶有餘
罪况兼之乎臣既被此名誠不可一日容息於覆載

之間唯當早正王法以謝天下第以一死固甘而臣
之情事苟或有一毫之未白則生為逆臣死為逆鬼
窮天極地之痛無以自雪而地下之目亦不得瞑矣
夫天高地下君臣位矣子孝臣忠人道立矣自有生
民以來便有此道理一日而無此理則人之類滅矣
臣雖至愚極陋受天之畀猶有性情亦知天之高地
之下臣之當忠子之當孝人之所以為人禽獸之所
以為禽獸其於君臣父子之道講之素矣自先臣數
百年来恪守侯度荐被皇眷嘗以禮義忠順見稱於
天朝以至於臣雖致寇喪國墜失基業顛沛流離死

生危急而拱北之心如水必東區區一節自謂不愧於天下有辭於後世天地鬼神臨之在上質之在傍其可誣乎疏中所論言亦污口誠不欲掛之齒牙有所陳辨然君父之前固非妄言之地是非虛實此心難欺有罪無罪皇鑑在上臣請逐一條陳伏願聖明哀憐垂察焉謹查日本一種在東瀛之外海道杳茫窟穴險遠此實天地所以區別異類也小邦不幸與之為隣彼以舟楫為家寇抄為事颿風飄忽往來無常自高麗之季以至小邦之初跳梁侵掠歲為邊患東南沿海數千里之地廢為榛莽先臣康獻王力戰

殲討僅能勘定而猶未能防其竊發地絕海遠動靜聲息無從詞得對馬一島最近於我其人利我互市來款南邊遂因其納款許其往來其後日本諸島之倭亦有夤緣求好小邦視之如禽獸待之如蛇虺為生靈計遂許以鬮市以中其欲或賜以米穀以悅其心於是有館待倭奴之例伊勢守之歸賜以紬米壽簡僧之還付送諭書即此也至正統年間因其求使嘗遣陪臣申叔舟往日本通諭而來蓋所以驗察彼中情形盛衰強弱而仍探聽賊情報聞天朝此固有國之所不免而亦天朝之所已知也惟其如是故正

統癸亥倭寇上國仍掠小邦濟州為小邦邊臣所得
餘賊遁歸對馬島小邦遣人諭島主挈送遂獻俘于
天朝嘉靖癸未倭奴作亂於寧波府殺邊將而走其
黨藤原中林等被獲於小邦即獻俘馘及所搶漢人
又於嘉靖癸丑丙辰等年俱獲入犯之倭節次獻俘
屢蒙朝廷獎賞此皆小邦為天朝竭心殫力一面捍
禦以遏其鋒一面緝捕以防其釁使醜類畏服不敢
生心以弭邊疆之禍以效藩屏之職者也且對馬島
倭初請來寓於齋浦釜山浦益浦等地以為互市釣
魚之所小邦遂許其來居使之探報賊倭聲息此所

以有三浦倭戶之說也然其居止及通行皆有定處
不得違越實緣結幕者商賈潛接者事畢後故留者
一皆痛禁此則海東記已盡載錄即小邦鈐束之意
亦可以見而其後漸成繁滋至正德庚午三浦之倭
作亂殺齋浦僉使李友曾小邦遂遣將勦滅自後絕
不許居三浦之無倭戶今已八十九年今乃謂小邦
於萬曆二十年令世居倭戶往招諸倭起兵同犯言
之不近乃至於此是誰欺者非欺天乎至於海東記
畧則是乃陪臣申叔舟得倭人所記其國風俗世系
地圖遂因其本藁附以小邦館待倭奴事例作為一

冊名為海東諸國記蓋小邦與日本聲迹邈然只是
來則不拒畧為羈縻之計而已至申叔舟往來之後
稍知其國事迹因謄出一編以為異國奇聞而今乃
以覆瓿之斷簡作為陷人之奇貨據撫流聞捏造虛
辭亦已甚矣其所謂年號大書分書之事則尤不足
多辨蓋此書只因其國所記而添註故其國僭稱年
號之下分註天朝年號以標日本僭稱之某年為天
朝建元之幾年如曰嘉吉元年即正統六年云者是
也大書者本紀也分書者添註也加一即字其意尤
明春秋因魯史所作故大書魯元年其下分註周平

王幾年亦可因此而有疑於尊周之義乎况其國王
闕白皆書死尊奉者果若是乎且書中既稱來朝而
今乃謂彼此相朝書中既稱賜米而今乃謂鮮人納
貢自做臆說以掩其實欲加之罪其無辭乎於皇聖
朝一統萬邦普天率土聲教俱暨而獨此小醜敢有
僭號自帝其國以抗天紀是實臣子之同誓萬國之
共憤况臣最近聖化涵煦殊恩服事謹奉之義天下
所知而今欲以不經小說敢賄天聽聖鑑孔昭豈容
誣罔若曰小邦奉日本年號則序文之末何以揭天
朝成化紀元乎此亦不待辨說而自明矣且其序文

則申叔舟等因其書而泛論古昔待夷之道是不過
一文人措語之謬事在百年之前微眇甚矣而今欲
執此為罪案目之以輕藐中國豈不冤乎况其書中
所謂欺誑真偽變詐百端溪壑之慾無窮少拂其意
便發憤言地絕海隔難審情偽等語即小邦待倭之
情已自槩見至於稱祖一事則小邦海外荒僻自三
國以來禮義名誦慕倣中朝多有倂擬至我先臣康
獻王凡有干犯者一切釐正以至微細節目亦未嘗
不謹以為上下截然之分傳之子孫守如金石而獨
其稱號則自新羅高麗有此謬誤蓋以臣民襲舊承

訛猥加尊稱相沿而不加改此實無知妄作之罪以
此受眾臣雖萬死固無所辭若謂之僭則非其情也
小邦自先臣以來血心事上盡禮盡誠律用大明律
曆用大統曆服色禮義無不慕尚而天使之來有迎
詔儀陪臣之去有拜表禮正至聖節有望闕之禮率
皆虔心精白肅敬將事一如對越天威是皆祖先相
傳之制而毫髮不敢怠忽者也以至閭閻下賤三尺
孩童纔辨一語便知天朝未解隻字先習正朔各據
文券公私簡牘皆奉年誦習為恒式此蓋常經通義
撐拄宇宙不以內外而有間無論智愚而昏知者也

豈敢以區區一號自陷於僭上之憲哉况茲者天朝之視小邦如一家小邦書籍如國乘稗說多入於中國小邦事迹班班可見且兵興七年之間大小衙門及各營將領往來軍兵及買賣商賈項背相望表裏無間小邦所為纖芥難掩情意交孚萬里咫尺臣安敢以有為無自陷欺罔之誅哉若所謂夾江中洲者與小邦義州只隔一水冰合之後漫為平地彼此人民交通買賣恐惹起事端故嘉靖年間移咨都司或奏聞朝廷將冒耕等處盡行拋荒至於立碑禁約事之顛末不過如此小邦自有分土天朝亦有定制疆

場之事小邦固當慎守其一而一聽處分寧有彼疆此界互相爭占之理只欲禁單住種以防混處惹事之患而已小邦不曾與遼民爭訟而乃云爭訟都司不曾以此事斷案而却說斷案至曰招倭同犯奪取遼河以東恢復舊土言之罔極至於最所冤痛者辛卯之春賊首秀吉篡君稔惡陰懷異圖遣使致書以探虛實脅以同逆要以假道言辭兇慘非臣子所可聞臣拒以大義斥絕其使即具奏馳聞事迹昭然今不必再有煩辨逮至壬辰賊遂空國而來殘臣八路覆臣三都夷臣二墓火臣五廟蹂躪長驅悉甲

以西是其射天之計固非一日而蓄謀歲兇乘時而發其視小邦特是一鬻臣於是時既不能力抗兇鋒死守封疆而匹馬蒼黃狼狽西陲初豈有一毫圖存之念我只欲歸死於父母之疆耳古今天下寧有引賊入內自覆其國而爭地於君父之邦者哉臣雖無狀亦不至於狂惑喪心求之於理近乎否乎若然皇上緣何發十萬兵以援犯上之屬國小邦緣何竭七年力以戰自招之倭賊以此以彼俱無所據是不過徒欲誣臣而自不覺其言之虛妄也然臣之得此於贊畫者亦有其由臣頃於揚鎬之去抗奏保留論議

相左激而至此然臣之意則只以揚鎬久在小邦一心討賊小邦之人方倚此而成功一朝受枉邊機將誤邦恐大事漸跌他議或間懇乞專任以畢天討是臣區區保無他意臣失職辜恩方俟嚴譴尚安敢結黨朋欺以重臣罪且贊畫東來亦膺帝命一疏再疏籌度何事督撫按鎮殆盡一網東征將士之專意主戰者皆被詆斥且懼東事之幸完務壞諸人之成績使軍情疑沮諸將解體無復有激勵奮發之志其主意所在蓋可知也即小邦滅亡已不足言而竊恐天下大事自此去矣臣東藩之外臣也迹不入於朝無

毫髮之援所恃者吾君也只恐天日之照未及於覆
盆而慈母之掎或投於三至也臣既至此生不如死
惟此一心炳然如丹雖萬被污蠱亦可以無愧於中
第所自憐者臣守義拒賊矢死不變罹此喪敗而終
以引賊反君受誣臣謹奉天朝一遵法制而終以不
奉正朔受誣臣期滅讎賊義不共戴而終以交通倭
賊受誣臣竭誠據忠開陳無隱而終以結黨朋欺受
誣使先臣二百年事上之誠至于臣身而都喪環東
土數千里淪為禽獸之區是臣不惟獲戾於聖明而
又得罪於倫紀為萬世之罪人得罪於祖先為一家

之罪人得罪於臣民為一國之罪人縱使讎賊盡滅
疆土盡復惡名在身持此安歸伏願聖明天地父母
曲察微臣痛迫之懇將臣所奏特下公庭另行查辦
事果是實亟正臣罪以肅王法如係冤枉亟賜昭雪
俾臣得以自立於天壤之間則臣雖死之日猶生之
年情隘辭感言不知裁臣無任瞻天望聖痛泣哽塞
之至為此謹具奏聞

大提學李
廷龜製

請留兵奏

宣祖庚子

謹奏為倭賊伺釁兇謀叵測大軍將撤人心危懼懇
乞聖明曲垂矜念量留一枝水兵以畢善後事據兵

曹狀啓本國被擄人各供稱賊首秀吉死後其子嗣
立有稱家康者攝伊國事威暴如秀吉日夜練兵蓄
糧等待天兵盡撤將要再犯本國臣等者得前項賊
情極為叵測日後之事委係可慮茲者聽得各營善
後官兵定於本年四月內盡行撤回目下全慶沿海
一帶水陸軍兵不滿萬數防備百分踈虞合無題請
水兵三千并乞全給折餉存亡所係不容少緩各等
因具啓據此臣為照伊賊兇狂桀逆其志固不在小
幸而皇威遠暢天斃老賊今雖暫還巢窟信然稔惡
猶夫其心也遺孽不殄繼纂逆緒協以十道之強悍

濟以家康之集桀方且休兵蓄銳以為再搶之圖其
不敢唐突者徒以天兵尚在耳海波無阻偵船相望
日覘王師去留以為動兵遲速而今又撤送老弱名
以刷還婉辭求款探試淺深或聲言乘秋進搶或期
以明春大舉其所以恐喝開闔蓋無不至今若偵知
大營盡撤則彼亦何憚而不逞其兇乎南邊沿海之
民咸謂天兵若撤賊必隨至烏駭狼顧荷擔而立隄
防控扼百無可倚已事之微景象可憂况賊之可憂
非獨今日今秋之憂甚於今日來歲之憂又甚於今
秋日復一日歲復一歲此賊未滅之前都是可憂之

日天兵既不可長戍於小邦小邦亦不可每藉於天朝以臣之國寧不欲自為圖耶惟是積敗之餘喘息纔定萬事尾裂措設未遑雖拮拾遺丁於瘡痍溝壑之中而凋殘寡弱不成部伍士氣先怯不戰思潰須得王師協守鎮服使沿邊一帶恃而無恐然後庶得數年無事生聚訓練以為自強之基矣然臣之只請三千不慮其少者非以三千之兵為可以捍禦兇鋒也天威所及猶足以折奸謀於未動鎮軍情於將浹而小邦措糧之勢過此則難乎支繼也盡撤則國無所倚多留則糧不可繼小邦今日之勢誠可悲矣夫

穀必生於地財必出於民而小邦土地瘠隘民丁稀少自經喪亂八路皆被兇焰千里無復人烟賊退之後雖或粗起農功而不能平歲百分之一緣畝之民力竭於轉輸荷鋤之輩盡編於行伍生穀之源既絕裕財之道無因公私交困中外俱病以此物力供億軍需支撐至於八年者只恃天朝米豆倚以交濟耳非臣之力所能辦此今則罄竭之極已到十分地頭而天朝米豆亦已盡矣唯將一年稅入之數扣筮留兵該放之數則三千兵本色之糧猶有不乏而此則竭力拮据可以措辦是係臣晝夜高度反覆熟講者

豈敢率爾陳達以重罪戾亦豈敢含糊隱忍致誤大
事至於折色月銀則小邦尤無辦出之路不得不全
藉於天朝蓋以銀子本非小邦所產平時市鋪只用
米布經變以來百物殘缺如絲紬人蔘係是進獻之
物而亦不得照舊採辦致缺常貢往年副摠兵劉綎
領兵屯守時分經畧宋應昌欲採銀於小邦以助月
餉分遣工匠廣加採訪深山窮谷無處不到而銀究
不多率未有得不得已全發天朝斯固已試之驗今
則此其時又益匱矣雖罄倒一國決難助其萬一臣
何敢惜費而誣上抑臣於此徯徨踖蹻終有所不忍

上聞者臣自遭禍敗以來八年之間上以貽皇上宵
旰之憂下以貽多官籌畫之勞山東之民勞於轉輸
徵發將領士卒勞於戰陣鋒鏑以臣之故肝腦塗地
者未知幾人臣非木石寧敢自安每念至此有地靡
容惟思粉身以謝天下而恩私未答奏籲愈煩賊來
而請援賊退而請守兵少則請增糧盡則請繼有急
必呼無顧不遂不啻如弱子之仰乳於慈母雖聖量
洪私天覆海涵棄瑕滌垢曲垂矜憐而臣子分義豈
容如是每一封奏心腸震悼猶不知止僭越尤極只
緣今日事勢實係存亡大局若以煩瀆為嫌而不早

明白開陳有若可以自為者然他日誤事復罹顛隲
使八年拯濟之恩終歸於虛地則臣之罪至此而為
尤大矣為此冒昧終不能自己兢惶戰灼措身無所
伏願聖慈洞燭兇賊覬覦之形俯察小邦殘匱之狀
特令該部仍留水兵三千選一良將期以數年統領
鎮守其折色月餉並蒙照例全給則邊情自固有虎
豹在山之勢賊膽潛消絕鯨鯢出海之患小邦自強
之圖亦得藉此而有濟豈不幸甚

大提學李廷龜製

請誥命冕服奏

宣祖辛丑

謹奏為誥命冕服等件因亂淪失懇乞聖明勅下該

部照例補賜以彰恩典事本年四月二十日臣據陪
臣禮曹判書李廷龜等啓稱小邦不幸猝遇倭患典
章儀物俱陷於賊天朝恩賜誥命冕服等件亦被淪
失是乃皇上錫命之典藩服受命之章皆不可一日
無者而頃緣國事方急未遑聞奏茲幸賴天地父母
之仁兇鋒戢退疆土已靖小邦無國而有國合無將
此兩項事件具奏聖聰庶得再膺維新之命永受安
吉之服允愜事宜等因具啓據此臣竊念小邦世荷
皇朝錫命忝備東藩先該隆慶元年臣先父恭憲王
臣諱薨逝臣嗣承遺業及至隆慶二年欽蒙穆宗莊

皇帝勅賜臣及臣妻朴氏誥命冕服等件臣欽遵寵命固敢或墜由臣不祚奄遭大亂播越草莽僅延綴旒恩錫之典亦莫之保跼天踏地無以為容臣之無似既不能謹守封疆以貽朝廷之憂又不能祇奉恩誥重辱君父之命誠無顏面復有申請而過蒙聖慈覆燾偏厚涵育成就生死肉骨得以再造迄至于今廟社已復邦域粗完惟是誥命冕服等件實臣所受於皇朝而臨莅臣民者不可一日而缺此臣所以猥恃寵靈不避瀆濫為之陳乞也臣謹查先該嘉靖三十六年府居失火臣先祖恭僖王臣諱妃尹氏及臣

先伯父榮靖王臣

諱

妃朴氏誥命等俱被燒毀臣先

父恭憲王臣

諱

委差陪臣李名珪等具實聞奏世宗

肅皇帝仍命補賜前項誥命等件今次陳請亦應此

照列聖及先皇帝欽賜事例如蒙聖恩俯愍微情勅

下該部將該誥命冕服等件再行頒降使臣如新受

賜保有天恩不勝幸甚

大提學李廷龜製

貢獻人參乞用把參

光海庚戌

謹奏為進獻事據戶曹判書黃慎等狀啓節該本國年例貢獻人參常用生參卞經靈濕則色爛味變不適藥用千里貢路經時乃達雖十襲包裹常

有透濕損傷之慮竊聞天朝之人專用把麥不用生麥其必以此也我國之人初不解把造之法頃於東征大軍出來時分學得於麥商今則麥戶商家如法把造此比行用天朝之人見而稱賞生麥之易變既如彼天朝之所尚又如此合無備奏天朝將把造之麥以充貢獻允為兩便等因具啓據此臣竊照小邦介在山谷之間謫稱產麥之地自來歲有恒貢從前不解把造之法惟擇生麥以備筐篚之獻而生麥不能耐久性味易變貢路遙遠多經潦暑雖十襲包護未免透濕今則既解其法

把造行用天朝藥用用此而不用彼竊念享上之物原為實用苟不適用不宜封進伏望聖慈勅下該部小邦歲貢人麥許令以把麥代獻則庶小邦不失壤奠之禮而天朝亦有實用之益緣係進獻事理為此謹具奏聞

大提學李廷龜製

陳慰奏

光海辛酉

謹奏為兇賊陷據遼陽小邦朝聘阻絕敢以一介差使仰申問慰之禮乞下該部指授貢路便宜以全侯度事本年三月二十八日據義州節制使鄭遵馳報本月十三日奴賊大勢兵進陷瀋陽十九

日犯遼陽二十日闖入遼城尚令屯結等因又據
本國回還進香陪臣李必榮陳慰陪臣朴彛叙迎
逢團鍊使尹孝幹報稱遼陽東八站道路阻絕不
得前進進香使臣等前月二十八日離了北京想
於十九日間當到遼東存沒下落無由得聞又據
鄭遵馳報鎮江越邊居民自二十日扶携老幼繼
屬出來北邊闡替等島留宿鎮江衙門窳然人民
潰散遊擊獨坐啼噓但云二十日遼城失守逃散
軍兵避亂男婦席捲出來俺身在此罔知所為等
因又據贊畫使李時發平安道節度使禹致績等

馳報胡監軍自寬鎮乘船要向海州以圖防守寬
民或上山避亂而二十二日奴兵四騎馳到本鎮
號令軍民欲死則死欲降則降寬民旋皆納降又
據鄭遵馳啓袁經畧差官陳一敬曾因經畧分付
要買銅鍋前往王京回到本府初欲陪天使乘船
回去及見其子與婿自遼東迎到江上聞其所言
氣色便異即欲由徑路走達海州衛棄置銅鍋過
江去了再三挽留終不聽從其情委難測知等因
又據贊畫使李時發等馳啓奴首入據遼城李永
芳勸賊立國遼城邸撥持黃旗出來一竿上書天

命皇帝一竿書鎮江官民歸報事云又據鄭遵馳
報四月二十三日小譯金彥希等探聽回來說稱
鳳凰城路中望見騎軍十七名從西出來耕田農
人群起齊謁俺等潛伏草間其行既遠問於農人
曰彼去者為誰而若等釋耒投拜乎答稱是即永
芳所差鎮江新中軍劉姓人何得無禮仍耕作如
常云又張小山者說稱永芳偽差遼東人李成爵
為鎮江守堡官二十三日夕時已到本鎮鎮江把
總吳中庫即為降附又鳳凰住民丁朝月者自作
毘子模樣嘯聚光棍數百人劫掠間里橫行作賊

鎮江無賴之輩亦多投入此輩衆多則恐有引賊
來犯之患云云以此觀之則一江西岸變作羶裘
之域此後本國哨役勢難過江遠探既有兇賊舉
兵來犯則鋒到城下方可得知孤絕之勢日急一
日添兵運餉等事急速議處等因據此行間據議
政府狀啓遼城失守賊鋒甚熾鴨綠西邊盡為波
蕩兇賊不突之患次將及矣義州孤城朝夕可虞
沿江防守一刻為急申飭各該將領另嚴隄備外
遼廣一路消息邈然父母之國遭此無前之辱臣
子分義禮當慰問且朝京之路今已阻絕回還及

入去進香陳慰兩起使臣俱皆在道阻梗生死莫
知且登極進賀詔勅陳謝聖節冬至等使次第當
發而遠路如此未由前進漸至稽遲委屬惶悶詔
使之還今當乘船駕海而本國朝聘之路則必須
先為奏請奉有明旨方可遵行合無另差一价跟
同詔使泛海前往奉奏陳慰仍請指揮貢路其上
年賜銀辨誣降勅陳謝陪臣則奉表登途聞變蹤
梗久滯境上并與陳慰陪臣一時偕往尤為便益
等因具啓據此臣竊照叢爾小醜實化外之一種
始焉負嵎咆哮吞噬諸屯終乃跳梁自大建設偽

誦兇狂之極乃敢稱兵射天罪惡已盈猖獗彌甚
紳人之所共怒天地之所共誅小邦禍急燃眉義
不共戴已未三路之役僅以數萬之兵仰助協討
之舉帥臣偷生全軍淪陷未張捷伐之威難免債
事之罪追思至今膽聳如山伊賊信然苟伺仇怨
益甚小邦力絀勢孤無以自保西北數千里之境
吏募食兵坐甲朝夕待警四年于茲矣惟是皇威
遠暢天下震動飛輓載途水陸齊舉蕩掃之期指
日以待而奈何窮寇決死肆毒未已天不悔禍王
師失利旬日之間兇鋒大熾或言奴酋入據遼城

搬移妻子或言永芳占駐衙門收聚玉帛或言表
經畧入保千山或言城中大官罵賊而死或言奴
賊送旗招誘寬鎮軍民稍稍降附或言偽署賊將
已據鎮江或言賊兵分掠海州三义以東兗熈已
遍不惟賊兵四出搶殺在處光棍做作撻樣辮髮
持兵劫掠村民因此道路阻隔人烟斷絕哨探無
憑奔竄日甚臣每接一報心膽震掉驚惶憂憤不
能自定仍念此賊集狂桀逆勢已滔天其視小邦
特是一鬻自富車之役移怒於小邦磨牙鼓吻欲
一甘心久矣而猶不敢遽為下手者徒以有遼陽

為之聲援耳彼果何有於小邦哉今者遼陽既為
賊窟已失憑仗之勢八站又為亂民已梗往來之
路小邦有難誰救有急誰愬何恃而圖存何倚而
禦賊譬如赤子垂死又絕慈母之乳又如中流船
敗更失篙師之濟遑遑悶迫之情欲陳哽塞小邦
存亡雖不足言而念及天下之事益復摧心塞上
數十萬之精銳盡為蟲沙城中三百年之積貯盡
為灰燼堂堂天朝以四海九州之廣雖失數城不
足為輕重大衆要舉桑榆非晚送死殘孽終當就
戮而目下喪敗之慘實近年所無之變竊想閔輔

文苑叢書 別錄卷二
震驚上軫宸衷區區遠臣封疆有守既未能親率
戎行除兇雪耻又未能百舍重趂西赴國難敢以
一介行李浮海前往恭申問慰之禮兼陳小邦孤
危悶蹙之狀以冀聖明哀憐垂察焉仍照小邦朝
聘之路必由遼東討出都司勘合驗票及護送文
引方可得達而壬辰兵亂之後小邦仰如父母天
朝視同內服有事必稟有呼必應節賀例行之外
冠蓋絡繹往來無阻即今兇賊方據遼城陸路已
阻通行不可易期海路有禁須經奉有明旨伏乞
命下該部許令泛海通貢卸泊處所及經由驛遞

並命指揮施行

大提學李廷龜製

文苑叢書別編卷之二

文苑叢書別編卷之二

